

晚晴籟詩匯

第十七册

晚晴篋詩匯卷四十二目錄

李來泰 八首

潘耒 十五首

沈珩 一首

米漢雯 四首

黃與堅 七首

李鎧 一首

徐鉞 十五首

沈筠 一首

范必英 一首

崔如岳 一首

張鴻烈 一首

方象瑛 二首

李澄中 十首

吳元龍 二首

龐塏 十首

吳任臣 一首

毛升芳 一首

曹禾 十二首

黎騫 一首

高詠 四首

龍燮 十三首

邵遠平 二首

嚴繩孫九首

此月矣言日久已一二三金

晚晴彙詩匯卷四十二

徐世昌

李來泰字仲章號石臺臨川人順治壬辰進士歷官江
南蘇松常道康熙己未召試博學鴻詞授侍講遷侍

讀有蓮龕集

詩話石臺詩文俱雅潔居官有聲錢牧齋
爲作去思記試鴻博後未幾卒人咸惜之

湖口

舊日題名處春風又綠蕪合流江九派砥柱石雙孤樹色
遙分楚舟行已盡吳只慚漁父問能賦石鐘無

輓鄭寶水參藩

聞道心如水遺風滿八閩山川存正氣湖海識遺民太息
壺頭日淒涼谷口辰東南耆舊盡哀些若爲陳

爲吳起凡贈許貞甫南還

六載煙塵暗江滸雕關十二春無主纍纍軍前半死生桃
花血漬燕支土落花飛絮總成塵青冢還留現在身祇驚
赤白囊中羽誤作丹青畫裏因高陽老人能任俠間關萬
里隨俘獲氣激情親解動人相逢燕市悲歌客白頭宮監
住京華忼慨曾傳古押衙金錢自繫將軍樹婉變時迴阿
母車感君高誼爲君起盡解金羈脫胥靡從知今日慶其
蘇敢憶當年歎如燬別有延陵一片心鶯雛燕老信沈沈
與君同和南飛曲脫葉隨風識故林

舟中晚晴

霖鈴歌徧溼金徽倚櫂初迎翠影微喜近月輪添暮色還
占風角問朝暉黏雲修尾垂垂下貼水輕翎欸欸飛見說

江天方晚照沙邊重理綠蓑衣

覺塵余故人子也以僧來謁書此贈之

昔年曾訪王官谷故苑飄零事已非爲問故人誰白髮忽
驚孺子變緇衣江湖道遠麋能逸邱壑心存鶴自違太息
廿年塵土夢鈍根未解箭鋒機

王西屏先生虔事佛母得異木備巖壑之奇用承跌
坐以頌賦見示爲題二章

異植疑分自竺騰浮來跌下見奇徵賦心詎止拈枯樹象
教應如頌古藤體具真形圖五嶽坐移光影悟千鎗何時
親展楞伽路認取香巖最上層

盈笏都將萬象含真如莖草建精藍疆藏蠻觸圖難盡蟄
隱蛟螭氣尙酣祕笥渾疑開篆籀爐煙長爲起雲嵐知君

胸具閒邱壑來與維摩共一龕

題海虞邵氏草花圖

竹枝歌斷楚雲殷拾取江蘅杜若還卻笑當年黃子久只將癡筆寫虞山

潘耒字次耕號稼堂吳江人康熙己未召試博學鴻詞

授檢討有遂初堂集

沈歸愚曰稼堂先生篤於師門少師徐俟齋顧亭林兩先生俟齋沒周卹其孤孫刻亭林日知錄及詩文集此誼猶近古人詩筆直達所見浩氣空行韻語可作古文讀而登臨懷古諸作尤為光燄騰上一時名流幾罕

與儷者

詩話稼堂師皆遺宿兄死史難巖棲谷隱若將終焉應大科入詞館良非始願赴召時有寫懷詩二十首具述出處本末既授職復牒吏部乞放還未允及掛彈事又作續寫懷六首遂南歸出游贛粵齊魯浙閩楚豫周攬五嶺泰岱台蕩武夷黃山匡廬嵩少衡湘諸勝游屐所經留題殆徧康熙癸未迎蹕復官越三

年復南巡澤州相國將薦起稼堂作老馬行以謝竟
不復出詩以議論勝硬語盤空縱橫曲折無不如志
猶能綽以聲律譯以文藻固
不至落以文爲詩科曰也

卦山

卦山交山陽孤峯獨崔嵬下眺一氣中稜稜露巖崖森如
六爻列錯若萬卦排我來正雪霽寒空無纖埃羣峯皎練
明萬柏攢一苔遠見介山巔干霄白皚皚近矚交城城微
茫辨樓臺文峪下西谿汾川自東來連山走黃河屏展卻
抱迴誰言萬家縣形勢亦壯哉守險在良牧濟世須雄才
利鐵錮窮巖健馬嘶風哀劉淵亦何人石匣爲之開蒼天
不可問浩歌舒遠懷

忻州嬰杵廟

烈士不愛生亦不鹵莽死苟生顏面羞徒死魂魄恥生死

各有立機括妙相倚嬰杵得其深一髮存趙祀千夫共輿
瓢不如道旁委兩人利斷金同心而殊軌間牒有陰陽奇
正相表裏神鬼未能窺宵小安足擬趙朔亦何人得士有
如此驅車出忻州酌酒弔故里秋風正蕭騷浩歌熱雙耳
帶兆雖中絕巢卵豈俱毀藏山不可求哀哀哭公子

古人貴成事今人貴成名義聲豈不美躁取事或傾吾心
在千秋旦暮安足爭太史備法章丙吉不自明生潼聞李
善賣卜有王成短箠詢楚隸漏船舞吳兵奇巧千萬端權
輿於杵嬰精誠生智術狡獪不足驚死生判難易當時費
權衡功成終下報命乃鴻毛輕爲難勿藉口君子守其經

西泠展墓

三尺蓬科幾樹梅梅根碧血總成苔春山雨露僧時到畫

角昏黃鶴一來入夢有人迷北海招魂無地哭西臺鴟夷
未化錢塘水莫怪潮聲夜夜雷

麥飯椒漿拜草間相看應怪我蒼顏休疑陸弟曾如洛爲
報梁童已出關將母歸來無舊業藏書到處有名山西征
賦就何人賞焚向東風血淚斑

贈杜于皇

男兒無家復無國六合飄然一孤客客行落落雲出岑其
去無跡來無心山水佳處便淹泊偶然相遇不可尋黃岡
先生古豪士胸吞雲夢八千里神鷹鍛翮不得飛丹霄碧
海將安歸三十年來泛江舸大塊無塵能著我商山須眉
大澤裘游戲人間無不可往年訪友揚州城州人喧呼看
歲星如雲冠蓋趨門庭先生酣眠醉不醒醒來洗眼焦山

青金焦如螺意不快一葉翩然下江瀨青邱方壺不可期
白龍赤鯉遙相待我亦汗漫之遐方束髮結交多老蒼惟
翁差池未識面江雲關樹空相望錫山葉脫蠡湖朗散步
禪房見邛杖怪來避地已經年笑我勞勞逐塵鞅昆明劫
火方洞然老龍抃山波接天土偶桃人莫相笑久客會有
還山年先生無事但宴眠大瓢滿酌清冷泉君不見君家
杜陵喪家者茅屋秋風淚盈把揮淚高歌洗兵馬

贈錢飲光

蹀血生還萬里天土牀樹屋尙依然箋餘象研朱細踏
徧雲山著屐便久矣泥塗書亥字淒其衰白感丁年誰憐
靈武麻鞋叟老向空山拜杜鵑

畫松歌爲梅瞿山作

畫松不難與松似貴得寒空磊落意一片梢雲拂雪姿巍
峩迥與凡柯異梅君都官之後人才華標格都絕塵善畫
尤工作松樹寸管貌出千龍鱗孤根直幹勢奇矯煙濤漠
漠開清曉直如白虹亙晴霄怒如蒼龍作鱗爪端如巖廊
坐偉人高如深林出遺老一氣淋漓入化工千尋錯落舒
懷抱畢宏韋偃不可追粉本豈是人工爲十年看松甫落
筆黃山萬樹爲君師黃山之松信奇絕太古以來無斬伐
十步蟠拏九步折行空偃地無罅缺撐撐巖崖礙日月嗟
我不得掉臂行游於其間塵沙日夕彫壯顏徒對慈仁兩
禿幹朝行婆娑暮忘還梅君何當訪爾就茅屋抱琴醉枕
松根宿看君作畫題詩老亦足

二姜先生祠

軾轍齊名世早知百年忠義繫人思忠傳折檻排奸日義
想銜刀伏闕時兩地青燐埋宿草一山紅樹妥新祠吳門
野老多相識雪涕爭看幼婦碑

經姜給諫墓作

青峯一曲抱愁雲中有先朝諫議墳往日兒童識鄒浩到
今野老哭劉蕡山頭樹屋稱殘卒地下戎衣見故君埋骨
便爲乾淨土豐碑華表漫紛紜

馬當山

飛帆如箭劈流開遙奠江神酒一杯好風肯與王郎便世
上惟君不妒才

羊城雜詠

崖山尙住宋遺民文陸當年事苦辛窮海不春猶正朔孤

航無土自君臣忠魂鬱作潮頭怒浩氣蒸成蜃闕新異代
流風多感激草間時有納肝人

萬年橋

舊傳吳胥門有橋甚雄壯不知何當事諂媚分宜相拆毀
遠送之未悉其真妄茲來經秀江巍橋儼在望橫鋪八九
筵袤亙數十丈石質盡堅珉蹲獅屹相向皆言自蘇來運
載以漕舫嚴老自撰碑亦頗言其狀始知語不虛世事多
奇創橋梁是何物乃作權門餉鞭石與驅山勢力豈多讓
充此何不爲穹天一手障爲德於鄉里或云差可諒不聞
掠彼衣而令此挾纊冰山一朝摧籍沒無留藏獨此巋然
存千秋截江漲頌詈雨不磨功罪亦相當猶勝庸庸流片
善無足況吳山多佳石胥江足良匠有能更作橋舊式猶

可做

泛洞庭湖

九江豬一湖占地楚封半名城十二三微茫綴湖畔夏秋水盛時涵天四無岸中流吐日星餘波沸江漢我行值仲冬水落勢平漫猶然浩無涯道里不可算安鄉抵巴陵淹泊屢昏旦眠餐蛟龍窟偃息馮夷館風濤猛堪驚雲物奇可翫霞蒸錦鮮新日燦金燦爛水浮玻璃天山橫青玉案帆移畏迴鷗雁度愁弱翰域中標五湖雄奇此爲冠平生慕圖詠及茲窮壯觀最喜流潦清客水盡消散全湖露眞形山川見條貫惟湖有容德不盈亦不嘆世人味遠覽臨流畏喘悍不有大壑豬數州盡沈灌配瀆能停滯比海齊浩瀚愧無郭木才神功莫能贊亭毒思化源望洋但三歎

水車

世間大巧不自用，用物之力因自然。力大無過風，與水驅使。有道天無權，帆檣輻輳皆聖作。水車奇妙尤無前，築防壅水令湍悍，衝波蹙踏車輪旋。輪廣丈餘，貫以軸編筒，其上巧在偏仰，則吸水俯吐水如瓶，傾瀉溜懸，剝木爲槽，受其吐，駕空行遠，歸於田。神龍捲波，謝迅疾霖雨，注地輪連綿，晝翻夜運，不暫息。無人守視，常轉圓，溪丁作碓舂米，穀山僧修篔，行清泉一家一戶，自便利，豈如普潤澤不專。漢陰文人戒機事，此非私智，天機全於人，無爭物無損其器，可守法可傳。吳淞水平不可激，夔竝相視休相憐，但安桔槔守拙鈍，勤苦亦自邀豐年。

沈珩字昭子號耿巖海甯人康熙甲辰進士官內閣中

書已未召試博學鴻詞授編修

燕集真如塔院懷曹秋岳先生

兩國人文會岷峨本競高於今江左席孰與謝公豪霜染
秣陵樹波傳胥嶺濤盤空同極目延望主風騷

米漢雯字紫來號秀巖宛平人順治辛丑進士官長葛

知縣行取主事康熙己未召試博學鴻詞授編修遷

侍講有漫園詩集始存集

詩話紫來好學工詩善畫兼擅小令金石篆刻皆精
絕書學未南宮徑十外者尤勁媚當時呼爲小米莊
堯峯稱其天才造詣在其祖父友石先生上香祖筆
記謂紫來詩爲書畫所掩畿輔詩傳錄得四首僅其
一鱗一爪而已

送徐次履還宣城

弱齡事章句編紵慕疇昔思與賢豪人盟心矢金石江南

今日有徐子藉甚詩名推正始到來爲結忘年交魏都高
宴差堪擬每逢予唱必和歌蕭寺空齋取次過登高共草
銀鑲管遙夜同傾金叵羅三時去我如過翼世事悠悠那
終極酒酣擊筑呼嗚嗚搔首問天長太息素心自問久爲
羣促滕披襟細論文囊中瓊玖投將徧君言歸卧姑山雲
姑山崔嵬勢無敵四時蒼翠常如滴謝朓青山俯碧湍謫
仙樓閣臨丹壁知君卜築枕通川松竹盤紆薜荔連長風
密谷朝舒嘯皎月清溪夜扣舷自是此鄉饒足樂留君不
住懷殊惡灞上長條慘客裝草堂梁月愁羅幕行程况復
正當秋雲白楓丹雁影稠更持此日驚人句爲寄長安諸
舊游

伯璣新成小舫遊東湖次韻

扁舟如小閣，列坐豁塵襟。待月移蘆港，追涼繫柳陰。客貽新製茗，鄰借舊藏琴。蘇圃遺蹤在，千秋共素心。

淦陽道中

遠近和鳴雞，朝暉望欲迷。波環隄左右，地似灑東西。柳影藏鳧隊，荷香送馬蹏。賞心隨命酌，村酒正堪攜。

送張松樵鍊師還廬山

竟謝浮榮覓紫芝，好山深處結茅茨。伯英家法原能草粟，里遺民更有詩時。踏青蒼舒朗嘯，未忘黑白一彈棋。匡廬到處懸飛瀑，可許支筇共問奇。

黃與堅字庭表，號忍庵，太倉人。順治己亥進士，官知縣。康熙己未召試博學鴻詞，授編修，歷官贊善，有忍庵集。

錢牧齋曰忍庵長安金陵雜感諸篇頓挫鉤鎖

纏綿排側風情骨格在韓致堯元裕之間

詩話忍庵早慧入歲即好唐人詩自錄小本少長嗜

古學徧讀周秦至六朝書其詩為錢牧齋吳梅村所

稱名列太倉十子中詞條豐蔚

壯麗而有情韻幾社遺風未墜

辰龍關

鬱盤鳥道中忽覩巉巖削雙聳若天門神工斧斤鑿攢刺

劍戟橫摩厲成鋒鏑青冥杳無垠怪雨從空落一徑折霄

光絕壁盡倒卻干仞蹙孤危不敢棲猿獍攀躋坂益敬數

武困行腳噉彼銅馬餘持鋌倚木閣狼竄嶮一岫俄就官

軍縛於今走輕車亭午氣頽索白日景蔽虧一步一猶惡

瞬息度層關鬚鬢恐非昨

聞礎

萬井西風下城高一葉飛可憐今夜月重搗去年衣聽亂

情交切聲疏力漸稀異鄉刀尺冷多少客思歸

金陵雜感

勅選良家降墨封玉車輕幃進昭容
花開並蒂鴛鴦暎酒醉同心琥珀濃
蕭寺鼓聲驚翡翠蔣山風雪葬芙蓉
飄零故劍秋江上回首長干冷暮鐘

龍虎鍾山百戰雄朔風吹浪下
艤腫彫戈壓陣黃沙斷鐵鎖沈江
赤燒空鵝鵲觀消春雪裏鳳凰臺
冷暮雲中由來帝業終荒草銅狄
何曾戀漢宮

沂州客店遇同鄉友人

江郭蕭條尙苦兵訝君北走得班荆
地懸淮海艱消息人歷冰霜倍老成
同話寂寥皆逆旅兩經離亂卽餘生
故園風物那堪問但說梅花已繫情

功臣山

鬱盤松徑偃青蒼，螯石猶看廢苑牆。
鴉噪斷橋驥裏絕，草埋胥井轆轤荒。
王宮滅沒餘坏土，霸業銷沈付夕陽。
爭似普光遺塔在，路人指點客徬徨。

婆留井

綠莎縈繞水澄清，荒井翻因得大名。
怪道眞王身不死，水犀萬弩射潮平。

李鎧字公凱，號惺庵，江南山陽人。順治辛丑進士，康熙己未召試博學鴻詞，授編修，歷官內閣學士。有恪素堂集。

丹陽道上

曉入雲陽道，喧呼次第行。
山空看日上，江近覺潮生。
客路

貪斯競人心淡自平扁舟隨泛泛亦足赴王程

徐鉉字電發號虹亭吳江人監生康熙己未召試博學

鴻詞授檢討有南州草堂集

詩話電發弱冠天才駿發下筆數千言龔芝麓極賞之工倚聲輯詞苑叢談十三卷晚年續唐人孟棻本朝詩皆取緣情綺靡之作嘗刻菊莊樂府朝鮮貢使仇元吉貽以書以餽金購之去

登燕子磯

危機萬仞鬱嵯峨吳楚青蒼入望多潮壓上流江郢闕天
連平遠片帆過景陽兵合鐘初斷玉樹歌殘水自波幾見
新亭重灑淚夕陽終古歎漁蓑

真乘寺散步有感

寺在太湖縣

廢寺殘碑鎖綠苔客懷羈寂好誰開欲追勝事尋仙迹
山中有入先覓真乘上講臺雲起司空回翠壁天連衡岳
仙碁局

壓黃梅

地與湖廣黃梅按界

不堪指點前朝事猶有胡僧話劫灰僧言

張獻忠破城之後寺破

殘燼今殿基僅餘瓦礫

淮行

藕花蕭瑟野塘幽五月淮行氣似秋橋市魚蝦爭換酒水
田芋粟半盈舟雲移楚甸孤帆冷樹老隋隄片月留莫向
韓祠怨衰草漢家陵廟已荒邱

聊城

聞說聊城箭曾傳燕將書孤危忠乃見反覆志安居但計
奇功就終成霸業餘未因蹈東海國士豈關渠

送侯大年還江南

時大年欲再至山東

黃沙吹風暗京國行子對面不相識躑躅難尋故舊歡終
日城南望城北忽逢侯生市上來駐馬相攜飲百杯十年

傾倒足懷抱長沙富貴何有哉怒馬高車去如駛五侯七
貴今如此落拓誰留一布衣羈棲且共居蕭寺蕭寺論詩
晝掩門每當風雨坐朝昏一飯未曾遇知己何況當年國
士恩余昨偶從山東來君今又向山東去回首方思泰岱
雲別離無那燕臺樹燕臺樹下淚如綫此行羨子歸鄉縣
閣上如逢揚子雲道余挾策猶貧賤謂既庭師也

慈仁寺雙松歌

我昔曾游秦岱間秦松漢柏相追攀霜皮剝落幾千載雷
雨晝黑垂空山我今走馬慈仁寺便欲追尋憐好事金元
遺迹雙樹存未知何人始位置天鵝駕風正北來虯龍倒
影拂蒼苔白日沈沈不照地靜聞竽籟猶悲哀長安棟梁
盡材傑獨爾隣响凍欲裂慘澹雖遭風雪欺槎牙不受煙

霜折吁嗟此松何拳跼豈逐疏頑死巖谷安得商山四老翁長歌與汝紫芝曲

題方邵村畫青藤古塢圖

第六橋頭花正飛雲居洞口鶯亂唳晶簾如水展圖畫青

藤窈窕蚺垂千曲盤拏胃石骨會稽曾種田水月

山陰徐渭

號田水月菜青藤書屋

冶湄主人復好奇煙霞自抱龍蛇窟十年結

屋恆山巔青羊白鶴時周旋一朝獻策挾手板雙鳧忽墜

西湖邊薜荔含顰山鬼嘯陶公謝客稱同調夜月彈琴玉

樹涼相羊直欲凌壺嶠自言此圖貌故山松花落盡藤蘿

斑龍眠妙手今周昉細皴巨劈摹荆關吁嗟方干舊是神

仙姿鳴珂曳組黃金墀玉河煙樹春如夢遊戲人間稱畫

師方舊官侍御

青藤治湄好風格尤喜雄談兼岸幘焉月松陰

少閉關柏臺蘭省終前席我家南州舊草堂免葵燕麥俱
荒涼何當從君乞數行竟須歸種洞庭傍

歸太僕祠堂歌

千古文章歎薪積腐遷班掾爭辟易偏彊簡傲豈無才歐
柳曾王中繩尺百餘年來歸震川遺經自抱荒江邊瑯琊
濟南互摺拄餘子碌碌紛眼前甫里先生是吾師論文得
失寸心知披榛逆旅捫遺跡瓣香遙擲傍人嗤此事微茫
已十載瓦礫霜濃猶不改黃州學士今最賢建植華堂發
深慨雪難釣叟持相聞意氣難隨宿草堙請看奇士侯芭
識那可悠悠與俗論太息風煙迴鉅鹿絕獻茅齋蔽荒竹
寂寞婁江一片雲年年飛傍太行麓

游虎跑泉寺

山路馥幽花探泉入谿谷藍輿過寺門石骨亂飛瀑跨澗
飲列虹方池浸寒玉朱鱗戲碧波翠蘚上斑竹紺殿俯冬
青齊奉古天竺攜樽塔院西野梅傍山麓因想坡公游葛
巾連野服引盜夜月涼樹下茶經續甘冽賽中冷七碗驅
煩濁余亦挂詩瓢聊步古人躅藉此一泓清鑑彼鬚眉綠

曉發衢州

曉月催征櫂溪喧浪不平霧籠嵐變幻灘急水縱橫曲岸
蒼煙黑遙山堠火明短篷孤枕上一夢覺鷗輕

九日同晉江黃俞邵會稽羅宏載牂牁江辰六黃山
江夢得黑窰廠登高歸飲夢得寓齋同賦

眼前好景重陽節羸馬難尋郭隗臺碣石晴雲宮樹迴燕
山積翠鳳城開深杯坐惜持螯會短髮羞稱獻賦才歸步

天街涼似水月明清露滿高槐

孟冬五日偕宮聲舟次頌嘉暨家勝力兄集石林寓

齋小飲限鞠字韻

微霜薄庭除晴霧籠朝旭寒鴉過苑牆朝罷相休沐閤戶
祕珠宮怪鴟嚇鷺鷥殘碑卧牆陰落葉疑蓬谷索米恆苦
飢誰人解幽獨好友急相招得飲快所欲亟命巾車來入
門把叢菊茱几竹榻邊茶鑰湘簾曲圖史架上陳差強牛
背讀賦字怕生疏詩句嫌慣熟雅志薄風騷高懷洗醜醜
同時三四人相對無拘束嘉穀薦五簋家釀傾十斛據案
奪臬盧葛巾不用漉錢子發雄談慷慨漸離筑曹公氣疏
闊爲我豁煩促橫槊仍賦詩哀音比曼玉狂態遜汪倫螯
弧共爭逐論文口詼嘲白眼笑家督主人喬石林頽然惟

捫腹新月挂銀鉤垂簾燒短燭街鼓正統統猶覓舫船覆
潦倒步前楹歸路嗤僮僕萬事等浮雲世情嗟轉轂不飲
竟何爲雙鬢豈終綠

憶昔行送江辰六之任益陽兼柬羅宏載

憶昔征車來紫陌與君同作長安客把臂相歡意顛倒蕭
寺逢迎無促戚朱提賜出天府金日飽太倉米一粒江東
羅髻氣正豪擊鉢聯吟醉書壁臘殘凍雪澆濁醪袖出黃
柑手親擘明年獻賦太和殿而我三人同載筆我誠忝竊
君拂衣此心原不負車笠羅髻參幕去熊湘時宏載入君
韓撫軍幕
向酒壚還岸幘每逢得失話升沈襟期磊落開胸臆目今
滇黔將蕩平聖主求賢方側席急須循吏撫殘黎君幸彈
冠仍捧檄黃陵苦竹煙雨深稍喜年來烽火熄桃花江岸

子規嘯馴雉朝飛藏秀麥問俗重尋岳麓碑行春遙過賈
生宅且從宓子事彈琴漫學陶潛歸種秫君才於世無不
宜治行終當推第一奏最何勞歲月深行見鋒車早晚出
儻從君府遇羅髻爲道相思憶疇昔

登丹鳳樓和楊鐵崖原韻

樓在上海縣東北天妃宮
宋咸淳中建後漫明萬曆

間里人秦侍御嘉
楫擴城樓爲之

危樓千尺傍雲梯簾卷晴空雉堞齊丹鳳朝飛銀漢接蒼
鯨夜吼海天低潮聲欲落青鸞杳樹色全荒杜宇嘯笑問
三姑尋弱水長川東注幾曾西

夾江

夾束江逾急沙圍殘堞存林深虎多跡山冷翠當門野樹
重遮塢泉流曲抱村孤舟一線入嵐氣變朝昏

沈筠字開平仁和人康熙己未進士改庶吉士是歲召
試博學鴻詞授編修有斗虹集

送趙恆夫司權邗關

含香建禮識英名視權新持使節行薊北暫移琴鶴去竹
西長聽管絃聲從教篋篋登天府自有文章繼漢京最羨
風流官閣底梅花一樹賦初成

范必英原名雲威字龍僊一字秀實號伏庵長洲人康
熙己未召試博學鴻詞授檢討

湖浦

晚步已窮雲水地何人小築傍湖陰穿村正喜迎楓葉問
菊翻成到竹林隔浦山低嫌浪闊遠帆風定覺秋深緣知
落日堪乘興少伯扁舟未可尋

崔如岳字宗五號雪峯獲鹿人康熙乙卯舉人已未召

試博學鴻詞授檢討

省耕詩

聖主重民事農官占歲祥蒼龍舒異瑞朱鳥煥春陽南畝
青旗燦東方紫氣昌民間舒疾苦天上沛恩光雨露沾人
普乾坤福物長旋生歡忭色頓覺籽耘忙耕九無他慮餘
三有積倉閭閻聞舞蹈俯仰頌虞唐百二邦畿重十千編
戶強紉轅輪玉粒黛耜壯金湯督稼資軍實省耕籌歲荒
鳥含佳種至雲拂野花香秀草隨時發嘉禾與日芳四郊
歌幹止九土荷安康草野勤劬篤仁君愛育彰蠲租欣曠
典履畝賦新章慶集丹霞迴風和玉輦翔千官羅淑景多
士詠思皇秉耒田家子橫經稽古郎爲傳天子意抒悃矢

廣揚

張鴻烈字毅文江南山陽人康熙己未召試博學鴻詞
授檢討歷官大理寺副

月夜抵富陽

涼颺吹布颿新月映遐浦崖谷杳蒼翠蕭條肅孤旅林暝
樵火微江靜山容古纔歷漁浦潭忽到富春渚客懷正紛
錯肆囑久延佇惜哉孫伯符霸業歸何所

方象瑛字渭仁遂安人康熙丁未進士己未召試博學
鴻詞授編修有健松齋集

龍洞背

神龍穿石飛洞壑晝常晦人乃捷於龍盤旋出龍背躡衣
入重雲勢與風雨會危崖千萬狀不知始何代突兀浮圖

高縱橫屏幃大鱗蠶樹干章泉流吐飛沫下注不測溪沈
沈氣冥昧儻燃牛渚犀百靈宛然在羌山多靈奇策名此
爲最何必御風行曠然天地外

七盤關

雞頭關前七盤嶺蚓曲蛇蟠纔見頂氏中又復度七盤詰
屈紆迴勢相引層崖邃谷路轉通拾級忽見雲霞空御怪
頂觸前人趾不知舉膝當心胸甯心息魄詫奇絕萬里山
川風氣別一關中斷隴蜀分羌笛渝歌乍相接遙望川巴
萬點明白雲紫霧還縱橫鱗鱗彷彿峨眉雪不知何處錦
官城北望京華南望越懷人兩地情偏切今朝身入大荒
西涼風古驛中秋月

李澄中字渭清號漁村又號雷田諸城人康熙壬子拔

貢已未召試博學鴻詞授檢討歷官侍讀有臥象

房集

詩話漁村生時父夢李于鱗入室及長又嘗夢人授一卷文字曰此汝作也醒記數語是于鱗華山記中語劉子羽見于鱗畫象亦謂漁村與相似專力爲一詩以漢魏三唐爲宗高岸開朗仍效于鱗體也

送宋稚恭省覲歸淮南

秋風塞外來吹我燕山樹草色青以蒼中有還鄉路昨歲
京洛塵與君始相遇抗懷見古人論文表情愴行世互箴
規常恐多謬誤脂車感明發告別一何遽君有垂白親倚
闔愁日暮人生天地間孝友非細故挽綬卽送行欲去屢
迴顧去去感人情壯年乃孺慕

自栗子關十里至迴龍閣過雨作

谷口自詰曲關勢何隆從十步九回折磴道連蒼穹雜樹

澗忽滿幽樛青濛濛數折至絕頂開闔無始終下見沅江水沿洞循谷中鳥道挂一綫下上如蠶叢與人聲號呼側足臨蛟宮十里見傑閣迴龍盤虛空秋色昨夜至颯沓來長風關門飛急雨濺沫懸玉虹咫尺路已絕豁達山巖通歇馬投古驛解衣聞秋蟲

與齊貞吉家德公伯含卧衡飲祖家園水亭以心遠地自偏爲韻

京洛多緇塵一水忽無地雲構俯澄瀾助我濠濮意微風散淪漪修鱗躍荷芰安得木蘭舟陶然成獨醉倚檻望西山夕陽落空翠

初晴張蓬海石門兄弟過荷隄

遠來踏草煙鬚眉帶秋色村村改舊容始知風雨力俯仰

剩此亭高天爲我德殘荷挺孤房柳靜溪光直稼穡乃民
命豐歉在頃刻君聽寒蟬聲已爲霜露得

仗劍行

男兒萬事在懷抱行年四十恥言老腰間劍珮七寶裝辭
家東出漁陽道漁陽少年多不平寶劍化作蒼龍精出匣
霜風動鱗甲黃金作靶曼胡纓酒酣上馬肝腸熱報讐亂
灑桃花血月下提舞向猿公萬里關河散冰雪虎皮甲袖
錦戰袍劍光直拂秋雲高此物真堪獻天子安可棄擲空
江皋謁入金門挂秋水封豕長蛇不敢起雄心期斷佞人
跡俠骨肯逐侯生死昔曾斬蛟長橋頭仗策今從赤帝游
古來神物須大用笑殺馮驩但劊縊

送學士張敦復先生假歸樅陽

休沐成歸計，離心問落花。幾年依日月，此去且煙霞。樹裏江帆隱，雲邊驛路斜。懸知懷友夢，時復到京華。

七夕吳志伊檢討見過小飲

七夕終朝雨，涼風起竹扉。斜陽隨客至，濁酒過牆希。命拙身還健，鄉遙夢不歸。相留憐夜永，清露正微微。

答趙壺石象山松下見懷原韻

別後桃花幾徧開，舊題石壁長莓苔。屋梁月落天南北，山路雲深夢往來。幽洞尙留尋勝屐，故人多負出羣材。鬚眉空向他鄉老，好護新松待我回。

寄龍標施秉

醉裏誰堪憶，故鄉春風萬里共。垂楊衡陽南去無，征雁何處青山是夜郎。

新店驛雨後口占

輕輿曉向山背行
千山萬山雲氣生
潺湲客夢一夜雨
四十八渡皆秋聲

吳元龍字長人江南華亭人康熙甲辰進士改庶吉士
歷官工部郎中己未召試博學鴻詞授侍講有問月
堂詩鈔

虎牙關坐月

雨後來殘月江潭落影寒
亂山同一照險路幾回看
客淚驚秋老哀蟲絮夜闌
柝聲常不寐未許旅魂安

九日偕貴陽諸使君東山登高

萬里登高日千峯
縱目初天長迷近遠
雲合失崎嶇邊徼
蠻歌起荒城落木疏
鄉心付征雁可許達音書

龐塏字霽公號雪崖任邗人康熙乙卯舉人已未召試

博學鴻詞授檢討歷官建甯知府有叢碧山房詩集

詩話雪崖以孝廉舉大科入詞館居數年試詞賦殿上
不稱旨改中書悉工戶兩曹出守有惠政時父年
八十餘乞養歸論詩主抒寫性情從胸中自在流出
集爲所自訂一歲恆得二三卷幾於無日不詩詩名
雋修潔絕無矜聲銜色坤
漱演迤而一歸於雅正

山寺

荒磴苔乾屐齒輕寺門晴鑱午煙平灘聲靜抱香臺轉雲
氣虛從古殿生行徑嘗留馴鹿跡題牆偶見故人名老僧
只解蒲團坐無數松杉一磬聲

聽寓上人彈琴

肅肅日初出烏雀寂不鳴上人理真性拂絃奏古聲聲古
神亦穆泠泠發孤清乍疑千萬山逼向戶牖生又如秋月

下徐聞溪水行冥激有殊致歷落難強名座客齊所向恬澹以爲情曲終而指歇音響仍未停

渡易水

歎息荆卿去蕭蕭易水秋定知遺恨在不肯向西流

送春日集張雲子齋中得風字

飛花落絮滿晴空九十春歸悵晚風草色空傷南浦外鶯聲欲斷夕陽中尊前把酒憐將老愁裏題詩愧未工莫撫清琴操別鵠感時懷土正無窮

雙鵝篇

新河宋登春以詩隱明嘉隆時號鵝池生康熙辛酉柘城王培來令新河題碑表其故里

夜有二鵝止碑上居人以獻培鵝池畜之吾友周岷公見其事爲余道之

在昔新河有奇士登春其名氏宋氏苦吟未老頭先白落拓辭家走千里辭家南去江陵城中有鵝池池水清卻愛

湖湘歸不得狎鵝自號鵝池生一身失路悲無與朝看鵝
來暮鵝去衡霍峯多煙霧深青山誰知埋骨處劫火滄桑
幾百春忽逢王宰有心人痛哭憐才求故蹟草元亭沒空
荆榛酌酒招魂向原隰陰風颯颯筵前入刻石記里表姓
名突有雙鵝碑上立鵝來相依不暫離署中還鑿天鵝池
無情有情誰得知君不見玉樓應召人姓李天上眞仙皆
才子文章有氣詩有神甯隨時數爲生死海翁有意逗精
靈特遣雙鵝報知己

用渭清韻再寄長馭

載酒金臺別故人書來隔歲感愁身卻看楊柳懷他日欲
寄梅花非我春野潤鵲田迷古井流漸瓠子悵前津顛毛
及爾垂垂老無計同歸住比鄰

秋夜讀道德經

一夜攜秋至蟲聲向暝歸暑消青瑣闥氣爽白蕉衣燒燭
差堪近攤書願不違同塵思老氏此道未云非

塞上吟

十石角弓鐵兩襜邊烽未靖守河湟男兒須向沙場死不
上山頭望故鄉

西閣晚眺

縱目高樓上幽奇一眺間斜陽薰遠樹積翠擁寒山勝地
堪長住浮生不自閒早朝同待漏促駕出禪關

中秋晚晴招孔東塘曹冲谷沈方舟寓中待月遲杜
承三不至

委巷泥深日向斜入門攜手興尤賒雲開應得今宵月紅

溼能留小院花幸有青尊聯勝友那將白髮負年華樊川
杜子多才客金玉何心悵獨遐

吳任臣字志伊仁和人諸生康熙己未召試博學鴻詞

授檢討

詩話志伊長乙部之學輯十六國春秋
旁搜博采枝葉扶疏備薛歐二史之闕

洪氏園園在西溪明洪尙書鐘別業今已易主惟小邱尙存

秋憲當年賦遂初
槿籬茅屋樹枝疏
一溪香雪長攜屐
滿院蘿陰正讀書
乍可山如人影澹
無妨月照夜臺虛
荒煙此日迷花塢
十笏模糊指舊廬

毛升芳字九大號乳雪一號質庵遂安人拔貢康熙己未召試博學鴻詞授檢討有古獲齋竹枝詞

桐廬曉發

煙雨桐江放棹遲
萬家雲樹曉參差
荒城早市喧歸夢
梵閣殘鐘動遠思
兩岸青山伍相廟
一帆白水子陵祠
嗚鵲似惜行人去
淒切深林不自知

曹禾字頌嘉號峩眉江陰人康熙甲辰進士官內閣中書已未召試博學鴻詞授編修歷官國子監祭酒有

未庵集

詩話頌嘉爲漁洋門下士詩列都門十子中借盛誠齋編漁洋精華錄其論詩語載分甘餘話當時號爲都講自刊詩集篇帙甚富久佚不存沈歸愚已稱清門淪落訪其詩不能多得十子詩略刊板分歸各家傳本無多今亦不可得見惟江上詩鈔存數十首大都奇意深婉不以藻繪求工

秋夜述懷

空林葉撼撼野犬聲
狺狺徬徨忽四顧
中夜感古人鴻濛詎不樂
烏用施經綸才賢既當權
造化辭苦辛雷雨亦待

治雲物非空陳自有濟世功千古勞其身牽犢者誰子高蹈遺斯民

懷古

朝上太行山暮過金臺宿行路莫辭難人情多反覆往時金石交相期共式穀雲泥倏焉分顏色變亦速我本蓬蒿人自有升斗祿長揖謝王侯豈受僕隸畜鴟鷂自翱翔燕雀自棲伏長安多風波君子慎自牧

擬唐人宮怨

十五入深宮盈盈百花中芳年恆自惜旖旎當春風深宮日如電荏苒繁華變二九已當頭君王難識面粉黛易相親誰爲國色人昭陽歡讌月兼照翠眉顰長門人已老難比羊車草薄命不須嗟客顏我偏好

君馬黃

君馬黃我馬白二馬同逐我馬劣君行直上層霄去我馬
垂頭太行陌飢來日晚歷峻坂欲不上筋骨折解卻金
羈縱大荒更與瑤池飽芻秣奔雲掣電須有時嘶向天門
會相及

病中書懷

秋色淹高枕蕭疏鎮日閒官貧人不問性冷病相關深雨
成空谷虛亭對遠山巖巒時入夢適興一躋攀

送周翼微入燕

良朋多北去江左欲羣空

周子佩陳其年計
甫草先後北游

破褐迎賓雁

虬髯捲朔風山川餘鉅鹿人物半新豐莫便將琴碎金臺
有俊雄

忽忽一杯酒茫茫萬里情
草間從放浪異地借身名
詞賦能華國江湖已罷兵
憑君寄諸子努力致公卿

沙定峯喜予歸里疊韻見贈奉答

君歸粉樹里我出帝王州
各有千秋事誰爭萬戶侯
相看驚鬢髮此會足春秋
莫灑憂時淚中年不任愁

癸丑除夜

寒氣盡隨春氣發狂飈送臘歲
將新薄攢爐火難溫酒徧
借朝衣不稱身吹角羽林閒
枕甲建牙朱邸待推輪蕭條
深巷巖更永爆竹無聲犬吠頻

送魏相國假還

爭羨功名髮未皤乞身強健戀
煙蘿神仙宰相能兼少鐘
鼎山林較孰多采藥正逢黃
獨長休糧重許赤松過如何

解得蒼生望霖雨朝朝仰潤河

送友人還金陵

屑瑟秋風送客裝蕭條木落更神傷
滿天欲雪尊無酒昨夜初寒雁叫霜
馬足遠衝黃葉路吟聲徐入白鷗鄉
江南景物關情甚煙雨秦淮夢裏長

送梵林上人東游兼柬錢黍谷先生陳其年同學

自笑詩多蔬筍氣近來常伴梵公吟
秋潮紅蓼江邊棹夜雨青鐙世外心
忽繫麻鞵追去雁尙揮松柄落空礎
東行儻遇陳驚座爲說相思苦滯淫

黎騫字子鴻號蕭雲江西清江人康熙己未召試博學鴻詞授檢討有玉堂集

鴻詞授檢討有玉堂集

七夕作

燈掩香雲墜寶花龍膏照影月籠紗尊前便是明河路一
訪支機又歲華

高詠字阮懷宣城人康熙己未召試博學鴻詞授檢討
有遺山堂詩

臨江中秋同諸公慧力寺泛舟回遂集愚樓玩月分
體各賦

丁丁蓮漏秋宵短銀屏華燭明高館瑤席清尊坐不遲芳
洲畫幟歸何緩入窗花霧香菴濛珠簾四角垂玲瓏桂花
扶疏玉除冷菡萏披折金塘空千家羅幕蘭鐙淡明月正
過寒江東羣山寂寂鎖蒼翠碧漢金波光瀉地揮杯夜醉
使君樓題詩晚出城南寺美人接坐氣堂堂騏驎蹶腹爭
騰驤雄劍刺鐘爍紫電北斗掛戶森長芒二十五聲何太

早胡牀坐嘯重傾倒朱棟華榭倚半空鳳絲雁柱愁清曉
霓裳仙子歸海宮沾衣涼露迴天風桃笙醉卧不知處東
方疊浪朝霞紅

宿青溪

青溪獨宿處遠火出江波醒酒思殘夢歸漁聞夜歌月斜
人語定舟曉棹聲多九子煙霄外勞生只暫過

游青原山寺

青原山半寺積雨長苔痕路轉遙聞水峯回直到門雲林
清磬落巖屋影堂存欲問無生傷孤雲起石根

過謝皋羽墓

許劍曾傳此地游豐碑遺墓尙荒邱龍髯墮海三宮淚馬
鬣封山萬古愁處士宅邊寒雨夜嚴陵難下暮江流當年

慟哭聲猶在散作西臺檜柏秋

龍燮字理侯號石樓又號改庵望江人康熙己未召試

博學鴻詞授檢討擢中允改刑部主事有和蘇詩三

集

田山薑曰石樓之和蘇本於蘇之和陶和蘇而不泥於蘇亦猶蘇和陶而不泥於陶只自抒其胸所欲言而隱然與之

神行意會

詩話改庵左遷郎署侘傺以終詩多逸趣而不掩其神駿之氣阮亭山薑皆甚重之僅傳和蘇集自有句云吾去東坡千載後和詩只是笑談餘為周為蝶渾忘卻此是南華得意書又題顧俠君詩卷云子瞻韓白本同派今學杜者惟毛皮我持此論三十載世多夢夢君獨知可見其旨趣矣

卽事次王定國

載筆相如已倦游甘泉書上不曾收挂冠敢道辭神武抗

疏非同乞越州一葉宦沈滄海裏雙扉家在碧江頭遙知

白髮低垂甚北望眞牽萬里愁

歲暮雜感 荊州

寒夕聊危坐幽懷自默存
夢隨烏鵲影書到鶴鴒原
醫卜同官守樵漁失舊村
淒涼十年事閒對尺鳧論

迢遞鄉關路微茫宦海沙
乞身原李密杜口已田巴
晚景催黃耆春觴泛紫霞
三公猶不易豈戀此蟲蝦

尙能容懶拙疇復較崇卑
翮健搏風易花寒映日遲
何心憂塞馬無計指牀龜
好學柴桑令長吟歸去詞

不必論奇節虛名亦弁髦
風流三語掾貴勢五陵豪
抗疏還誰在求衣祇獨勞
子雲終寂寂未擬廣離騷

高子爲予繪山堂圖覺湖山煙樹宛然目中賦答以

此入峽

卑微今不偶奧異舊曾探苦戰嗟奔北遺經抱指南王元

書數十篇魏知古曰五經指南也沈香雖召白柳汁不成藍自幸窺中祕

翻移列簿參何年垂紫綬畏路過黃龕詎慕疲揚戟還愁

放屈潭腰支從曲折唾罵只包含杯底狂歌滅鏡前瘦影

麤園林宜腐朽廊廟富榷柎止有琴書載甯須左右驂德

公仍喚婦元亮亦攜男粗解炊雞黍應教種橘柑優哉聊

卒歲逝矣會投簪白哈遼東客青牛柱下聃家山猶夢想

尺幅竟濡涵妙手揮霜兔華箋奪雪蠶江流森石壁峯頂

踞茅菴釣舫纔如葉窠樽略似甌別開邱壑面一洗澗林

慙負郭荒田在升堂曲徑諳當楣縣鳳字中爲勅書堂開牖接

雞談風月尋常有禽魚老癖耽壺天留歲月堂之西爲黛

色想煙嵐堂後遠山亭爲素君建也細著丹青寫如逢異寶貪蛟騰空

鯁鯁鶻起掃鶉鷓失路迴狂阮臨池挽眇堪百金奚足壽
杯酒莫辭酣他日扁舟過鱸肥荻筍甘

集趙給諫恆夫寄園同玉峯先生作

聚星堂雪詩

暝風吹綠宮槐葉開徧東闌幾株雪一杯招我游寄園曲
徑迴廊頗幽絕我別黃門垂十載不知髯霜腰半折今夕
何夕飲最懽白紵歌闌紅燭滅郎君紫綬映斑衣

二聞擢濟甯道

渤海金鼇已曾挈喜看君家世珥貂爛醉奚辭生眼纈賓
客俱從壁上觀據榻高談若霏屑徵江少宰舊知我歲寒
肯作風花瞥問余一向坐詩窮宜瘦而肥又何說攬衣大
笑上馬歸尚有支貧骨如鐵

送汪訥思郎中還茗溪

答孔殷父問買田

同舍諸郎鬪翾好惟君粹然仍古道幾回執手立班行憐

余舊視明光草三年左官顏色盡只有詩腸未枯槁追和
蘇公千載下得句還愁公壓倒君攜一帙坐夜窗細讀微
吟頗煩惱一坏未掩松柏陰君乞假歸葬驪珠中墮愈傷心時有
愛子之戚以茲浩然拂衣去豈顧旦晚腰垂金眼看雲鶴高飛
起歸鴻我亦差堪擬小舟如葉過菰城同看西湖花十里

詠史 看潮

自古牛刀恥割雞匣中三尺氣如霓馮生只爲魚彈缺更
比雞鳴狗盜低

謝傅兒曹亦鬪雞投鞭眞可斷虹霓休誇決勝東山墅只
爲苻堅下子低

車駕北征百官送於土橋文殊普賢

何代無征伐威容異往年霓旌將霧掃羽騎若雲連日繞

飛龍御山開飲馬泉狼居胥勒石扈從有羣賢
萬里雖荒服宵衣慮自深不爲空幕計將啟屬蕃心壯士
思先入崇朝有捷音自除三孽後拊恤到如今

寓意

鄒園留題

長門夜坐倚薰籠不惜揮金買賦工老去媿好誰記憶祇
攜紈扇立秋風

邵遠平字戒三號戒庵仁和人康熙甲辰進士由主事
累官光祿寺少卿己未召試博學鴻詞授侍讀遷詹
事府少詹事有戒庵詩

遲梁藥亭孝廉不至

高士聞人說南中有伯鸞才名齊鄴下詩句滿長安近郭
相過易停舟一見難從來多閉戶不肯累豬肝

湖口阻風

南北將行李炎風朔雪天
敝裘寒日下孤枕遠江邊
霽色開仍閉濤聲去復旋
倚舫方悵望兒女隔殘年

嚴繩孫字蓀友號藕漁無錫人諸生康熙己未召試博

學鴻詞授檢討歷官中允有秋水集

詩話蓀友詩宗黃初建安近體出入溫李蔚茂而婉麗爲同時姜宸英葉方霽吳綺所重王漁洋亦謂其冲融恬易鮮矯激之言聖祖嘗以布衣四人問內直諸臣卽李因篤朱彝尊及嚴姜也後公卿舉鴻博姜獨不與試省耕詩擢五十人由布衣與選者四蓀友與焉是日日疾詩已不錄上特令授檢討旣而乞假歸自號藕蕩漁人杜門不出築堂曰雨青草堂亭日佚亭晚歲有以詩文畫請者概不應卒年八十

秋日雜感

潤州西望大江通
正憶金焦似畫中
城郭曉連瓜步雨
帆檣春滿海門風
何年地坼分吳會
終古潮平見禹功
近說

東南多戰壘車書回首幾時同

秣陵宮闕舊神州桃葉聽歌記昔游紫禁月沈瓊樹夕滄
江楓冷石城秋天門無復交仙仗海氣眞成結蜃樓總是
興亡千古地莫教潮汐送閒愁

春雨曾過九曲隄雷塘官柳正萋迷飄來畫角纔江北數
去青樓是竹西極浦風驚聞馬渡重城鐙暗失烏棲試看
明月三分夜猶有簫聲雜鼓鞀

五湖秋色莽邱墟江介悲風尙羽書解語莫同秦吉了端
憂眞似魯爰居火旗錦纜終何事白骨青烽一醉餘側足
橫流羣盜在乾坤何處有吾廬

渡江

京江春樹隔芊眠咫尺神靈意惘然青壁近迷山寺雨綠

蓑遙入海人煙江魚水闊難通市石燕風多不避船我欲
然犀照幽隱夢魂猶自怯潺湲

羈緒與留仙

止息知無地羈孤歎有身貧來真喪我老至轉隨人白雪
他山夜黃梅故國春九關猶踞虎歲暮共沾巾
長懷知己意觸緒或無端醴去生猶在縑來叔尙寒我無
重暝席君有未彈冠豈不慰羈寂終歌行路難

始興道中

曲江江勢舊迴腸況復秋心對夕陽林氣帶霜猶隱郭水
痕侵岸欲平檣紅蘭解作依人笑紫桂重飄故國香差幸
此邦還有歲未勞陰雨念南荒
紅梅關北葉初飛九月炎方未授衣隻候晴江無女浣荒

村獨樹有神依南來郡邑明朝盡北首風波往事非誰向
當時問金鏡中原盡日走珠磯

晚晴移詩匯卷四十二終

晚晴篔詩匯卷四十三目錄

施閨章 八十六首

晚晴篋詩匯卷四十三

徐世昌

施閏章字尚白一字岷雲號愚山宣城人順治己丑進士歷官江西分守湖西道布政司參議康熙己未召

試博學鴻詞授侍講遷侍讀有愚山先生學餘集

王貽上曰余讀愚山侍讀五言詩愛其溫柔敦厚一唱三歎有風人之旨其章法之妙如天衣無縫如園客獨繭約略舉之若酒盡暮江頭人日月初晴月見無遠近倚枕不能寐諸篇是也至於清詞麗句盛見層出余仿張爲主客圖之例摘其尤者列以爲圖與康樂池塘生春草元暉澄江淨如練并資藝苑談助鄭則厚日愚山文章醇雅而於詩學尤邃體氣高妙格律深穩鏘然而玉應盜然而春溫一詩魏敏有湯文正陸清獻遭摧折而愈顯愚山最爲闇淡又以工所發舒清獻遭摧折而愈顯愚山最爲闇淡又以工於詩古文詞反掩其學問之大原世有合作韓范文富歐馬六公年譜者其必班而齊之

詩話愚山治性理之學出而蒞政廉明慈愛澤加於
 生民其為湖西道駐臨江江環城而流民號曰使君
 江以喻其清在當時實雖州當湖一流人特以夙負
 詩名晚又以詞科進稱之者遂詳其文學而行詣政
 事若稍略焉其文學正與行詣政事相發根柢深厚
 為有德之言洪嚴樓閣彈指即現余則嘗問焉愚山謂
 子師論詩如華嚴樓閣彈指即現余則嘗問焉愚山謂
 璧木石一俱從平地築起漁洋亦心折其言惟漁
 洋專稱其五言近體嘗舉朔風一夜至一篇以為驚
 心動魄不減十九首摘句圖所列名篇略備劉海峯
 論列歷朝詩亦但錄五律之五十餘篇然愚山詩精
 嚴堅栗各體皆同正不徒四十賢人著一屠沽不得
 也

浮萍兔絲篇

李將軍言部曲嘗掠人妻既數年攜之

新婦則兵之故妻也四人皆大哭各

浮萍寄洪波飄飄東復西兔絲寄喬柯裊裊復離披兔絲

斷有日浮萍合有時浮萍語兔絲離合安可知健兒東南

征馬上傾城姿輕羅作障面顧盼生光儀故夫徒旁窺拭

目驚且疑長跪問健兒毋乃賤子妻賤子分已斷買婦商
山陲但願一相見永訣從此辭相見肝腸絕健兒心乍悲
自言亦有婦商山生別離我戍十餘載不知從阿誰爾婦
旣我鄉便可會路歧寧知商山婦復向健兒呢本執君箕
帚棄我忽如遺黃雀從鳥飛比翼長參差雄飛占新巢雌
伏思舊枝兩雄相顧詫各自還其雌雌雄一時合雙淚沾
裳衣

棗棗曲

海陽有香棗蓋取二棗列剝疊成中屑茴香
婦所爲寄其夫者義取早

早回鄉云予爲作棗棗曲

井梧未落棗欲黃秋風來早吹妾裳含情剝棗寄遠方編
緜重疊干迴腸封題寄去憑君語棗甘誰道妾心苦閨中
不識望夫山君看淚溼牀頭土

宿山家

山行路自遠，孤客魂易迷。暮鳥各歸去，啾啾向我啼。暝色冒四野，小徑多蒺藜。俯見林麓下，鎧火臨礪蹊。舉策一叩門，四壁風淒淒。主人進粗飯，努力療渴飢。來時經虎穴，宿處連雞棲。平生戒垂堂，飄零緣鼓擊。客久望人憐，使我顏色低。中宵萬感集，不寐聞霜雞。

濟北懷故人

渚煙昏夕岸，四望無孤城。舟中一步地，百蟲繞我鳴。蟲鳴爾自適，不謂傷人情。漁翁進雙鯉，一壺聊自傾。忽憶故人夢，昨夜宛平生。觴酌聚鄰曲，歡呼無停聲。今夕復何夕，獨坐空屏營。

粵西亂後懷平樂太守尹莫階同年

予本臥疴人乃乘相如傳浩蕩越江湖迢遞歷鄉縣分符
值朋舊天末各眷戀就中有尹生才名冠吳甸素心炯白
日紫瞳掣流電銜命守昭州魍魎日中見飲水愁毒淫官
庖無完饍藩鎮善督責汗顏甘訶譴誅求義不忍出質到
妻劍播遷兩及期元鬢颯已變聞我萬里來握手驚拭面
灑掃先下榻契闊共餐飯煦沫及僮僕敝衣爲補繕傾橐
治我裝左右色無倦二子汗血駒齟齬挺英彥論文受甲
乙悲歌雜歡宴移觴松樹根濡翰鸚鵡研陶陶夜未央羽
檄喧轉戰桂嶺走鯨鯢昭江紛組練城荒無駐卒路阻絕
鄰援爨婢罷晨炊勺水不下嚙我行已倉皇君意反繾綣
中廚呼酒漿妻孥淚如霰餞我登竹舸揮涕苦相勸封疆
我則死風鶴子當遠訣別水聲中纜解急飛箭瘴雲落日

昏耳目驟驚眩但見逋逃人男女相蹂踐別來斷消息枯
蓬各飄轉蒼梧殺氣高銅柱妖氛纏巢卵得無覆頸血恐
已濺詩書故多難鬼神不錄善長號敘悲憤戰地儒冠賤

過鞏嶺

崇岡鬱峻嶒鳥道繞山腹仰探白日短俯瞰陰霞伏魚貫
度行人疲馬艱躑躅春晴多好風吹我巖壑綠農耕嶺上
雲婦飯溪中犢羈心曠登陟瘠土見風俗華陽靈蹟闕杖
策尋石屋

星峯亭作

亭前有坑始皇
所鑿以泄王氣

觸雨陵山椒陟巖展朝霽危亭冒嶇嶽漲水明埤現左曳
羲和車右把天姥袂白雲何連蜷髣髴有根蒂秋草粲春
華山鬼善凝睇坑勞秦帝鑿嶺想謝公憩豁達萬古情流

觀四山際

途中望西山

黃沙滿襟袖客懷無一展時夢江南游青山情不淺今晨
覺爽氣悠然見絕巘轟轟既峻嶒邈邈何曠緬塞垣千里
接白雲共舒卷霽色落長安空翠無近遠賞心誰與諧靈
境終當踐雖無薜蘿衣一洗風塵眼

入西山

馬首見西山乘興陶嘉月振策峯已紆捫蘿巘逾絕蘭榭
耀玉岑茵閣陵天闕琪樹寒始花紅藥蕊初結披拂散心
顏榮落皆愉悅暮鳥歸巖扉陰雲如積雪松林息萬籟清
響中夜發樵隱易爲歡市朝性所拙春言采芝人毋使春
芳歇

妙高臺夜坐懷无可

卽子瞻佛
卽賦詩處

日落水煙起茫茫連岸白
褰裳陟高臺涼月皎秋夕
古人
不我待露氣霑瑤席
忽憶龍眠叟遠引就禪寂
桂嶺舊擔
簷匡廬復飛錫游詠與之俱
屢折登山屐勸我學無生危
言同振溺心跡未能併出處
尙狼藉解帶思同游天末久
離析人生無老少皆爲天地
客東望海門深南睇江雲碧
巖壑留清暉皓歌傷往昔

早春三天洞至仙人巖

寒巖斂衆妙惠風蕩疏木
洞穴無人居玲瓏闢華屋
春陰
香乳流谷溫瑤草綠出戶
見前峯重雲無斷續乘興
復杖
藜行歌散煩促古樹含丹
葩餘雪長靈瀑僧扉鑿陽
崖茶
白入深竹采眞客安往悵
望空山曲

上天竺雙檜峯

昔聞九里松夾路響清瀨今尋雙檜峯壁立衆山外危磴
壘丹梯陰霞成紫蓋平臨江海寬俯看邱壑碎人生若飛
簾倏與流颺會濡首塵埃間寧識滄洲大乘風叩闥闔浮
雲接衣帶

湖西行

節使坐徵斂此事舊所無軍糈日夜急安敢久踟躕昨日
令方下今日期已逾攬轡馳四野蕭條少民居荆榛蔽窮
巷原田一何蕪野老長跪言今年水旱俱破壁復何有永
訣惟妻孥歲荒復難鬻泣涕沾敝襦腸斷聽此語掩袂徒
驚吁所慚務敲朴以榮不肖軀國恩信寬厚前此已錫逋
士卒待晨炊孰能緩須臾行吟重嗚咽淚盡空山隅

大阮歎

叢山如劍戟，灌木蔽嶽岑。其水獨南流，谿谷皆阻深。山民鳥獸居，不馴匪自今。追呼敢逆命，兵革踵相尋。未能靜伏莽，火烈悲焚林。殺人稅無出，遲回傷我心。蚩蚩亦赤子，念爾爲沾襟。招手語父老，鳴梟懷好音。宿逋旣累歲，敲骨力難任。民頑實吏拙，許身愧南金。何時免素餐，引疾投吾簪。

竹源阮

殺虎防啞人，芟蔓莫留根。留根終遺患，傷心不可論。竹源數百家，今餘幾人存。竹外有源泉，血流泉水渾。羣盜故比鄰，媼姪如弟昆。反戈相啖食，收骨無兒孫。梵梵數寡婦，零落依空村。凶年嗟半菽，撮土招游魂。人亡畝稅在，淚罷還聲吞。

宿黃梔鋪

積雨暗千山陰雲催日暮哀此僕夫痛踟宿中路土室
倚頽垣荒村存老嫗勅吏慎勿擾芻粟可自具吏言爨無
薪乞糴亦無處時危供億艱含悽未忍怒盜賊兼虎狼空
山懷百慮從騎夜擊柝宵分屢驚寤明旦風雨中雞鳴驅
馬去

臨江憫旱

瘠土嗟薄穫歲豐長忍飢戎馬況疊跡田園成路蹊荷鋤
代牛力播種良苦疲朱火肆燎原禾稗同一萎民亂如恐
後況乃驅策爲徒跣呼百神鳴咽致我辭政拙未敢苛召
災今則誰雲漢何皎潔箕斗正參差心知閭闔遠側向高
天嗚明日急芻餉吞聲重涕洟

化成巖

宜春

月身身言世才D一三

雲木鬱江曲心知好邱壑攀蹬尋窅深穿巖得疏豁萬古
青蓮花蒼寒半舒萼鐘歇灘響聞雲開峯翠落荒臺存往
蹟暝煙見城郭延目散襟顏倚石就觴酌卻羨無心雲逍
遙去寥廓

悲野雀

粉榆繁羽族瑣細無定名所謀非稻粱不與雞鶩爭張羅
始何日遂使風俗成機發盡掩覆一羅穢羣生持此飲啄
具充君鼎俎烹苦慚託體微不足一杯羹同類爲啾啾失
侶長哀鳴君輟筵上箸請聽檐外聲

天涯路

天涯望不極盡是行人路日日換行人天涯路如故渺渺

白雲遠萋萋芳草暮來者知爲誰但見行人去

懷浮山詩寄藥公

我聞浮渡山好峯七十二崩崩排空冥窈窕鑿深翠石洞
窮雕鐫森然百物備窟龍自雷雨山鬼棲薜荔巖高倒景
明下見浮雲墜出沒隨江煙虛無不在地奧區爲誰造靈
蹟此中闕中有冥心人高言越世事抉剔開混茫乾坤受
軒輊我性癖邱壑馳情有真寄行將策杖游餐霞破憔悴

夾山漾

礪砢經峴首窈窕窮湖甸穿浦盪層雲望山成九面激灑
游將窮孤光開匹練和風衣帶緩擊汰水波濺輕橈戛蒲
葦敲側信迴轉日晚巖更青洲長樹逾菑松篁交晻靄林
屋時隱見蹇芳興屢延怡目輒難徧當爲汗漫游枕漱從

所便

登太室中峯

壯士貪名山如海吞百川東游臥日觀羲和親比肩南使
經衡嶽霧雨悵遷延近思太華頂遠夢崑崙巔嵩高在眉
睫振策窮攀緣詰曲蛇徑緬幽陰熊館穿冉冉極天際舉
頭觸星躔宅中環四嶽一氣何盤旋風雨鬱交會蛟龍走
連蜷樹杪忽橫練坐見黃河懸窈窕擣衣石淒清玉池泉
引領眺箕頴巢許方陶然辛苦茂陵客壇時飛荒煙有爲
終滅沒瑤玉空雕鐫帝休昧珍木石室闕誰傳長憐肉食
者虛無求僮佺

尋光福寺

新月已在天餘霞猶隱樹柔艣漾清波直隨塔影去不聞

水際鐘但聞煙中語借問隔船人僧廬向何處

野店篇

祁陽山中斷行旅萬嶺參天天欲雨松杉百里一茅店
樵髻老翁作蠻語土垣半倒撐樹枝白日空庭走飢鼠
驚看上客車馬多卻立低頭色如土連年此地莽邱墟
行人露宿飼豺虎生兒箐中已八歲不識門前樹禾黍
官來給種新買犢卧無莞簟炊無釜遺黎擊柝夜燔薪
防虎中宵有伏弩客聞歎息亦吞聲亂後天南鮮安堵
吾語老翁汝勿苦日暮壺漿不索汝過吏游兵慎莫嗔
主人去此適他所廬山遇雨

山下自晴山上雨林深苔滑流石乳杖藜撥雲雲不
開洞口老猿作人語忽聞天際一鐘鳴隔水蒼茫尋
磻戶

憶昔行寄宋荔裳隴西

辛卯冬于役西粵宋員外琬坐繫泣贈長歌呼子謝宣城

時同門尹使君明廷守昭州故與宋善詩中兼及之及粵西亂後子歸居先王母憂宋已脫難遷吏部尙書郎絨書相慰勞而昭州討至未幾宋出備兵隴西三年之間忘形故人生死離合四顧潛然追憶往事作是詩

雕蟲滿眼何紛紛安得麟鳳開其羣騷之苗裔今宋玉風
流儒雅揚清芬宣城後身吾豈敢文章膠漆良殷勤憶昔
西曹別離苦倉皇不盡臨歧語北辰南極阻且長一曲驪
歌淚如雨蝮蛇游處鷓鴣嘯山魈一腳向人舞傷心瘴癘
復烽煙徒跣中宵避豺虎聞君騰踏黃金臺離愁乍破歡
顏開隴頭流水忽嗚咽西方千騎遠徘徊李密回車淚空
盡昭州斷魂招不來願逐西風墮爾側彈箏夜醉葡萄杯
黃花白露風淒淒拂塵開篋把君詩宵冥風雨鬼神泣盜

窳山林猿鶴悲我有一幅冰蠶絲裁成綺服遺阿誰天寒
河凍關塞遠腸斷思君知不知

趵突泉送嚴子餐都諫北還

時主考山東

傳聞此泉來王屋伏流倒涌歷山麓寒光噴雪復飛雲大
聲奔雷小碎玉故人黃門天上來崔嵬百尺龍門開憑陵
日觀照滄海咄嗟坐嘯生風雷臨流復有千尋閣白雪聲
名赫如昨黃門揮翰似青蓮更擬新篇致康樂爲君開尊
握君手素心海內眞良友年將強仕相伯仲忍使離居成
皓首扁舟昨日明湖游驪歌今日生離憂君不見濟南士
十二泉皆在眼那堪溝水東西流

天逸閣雪後醉歌

主人梅幼龍
耦長攜酒

一冬無雪春雪好名園飛閣開晴昊主人逸興有籍成把

酒呼朋歡絕倒沙霽初聞白鳥鳴雪殘半露青峯小麻姑
淖約墮窗間疊嶂參差浮樹杪細數梅花多昨日坐看新
瀑通寒沼觥籌歷亂興偏豪石檻苔痕不須掃此閣峻嶒
高百尺先輩聯翩著靈蹟禹金明三兩蚪蚪深藏禹穴書
賦詩日集梁園客二十年來玉樹摧竹榭茅屋蔓蘿薜抽
毫授簡待吾曹肯使中原少詞伯前年鐵騎城頭嘶出門
一步迷東西芳春暇日此良宴何辭斗酒聽黃鸝我思置
閣臨雙溪種梅高下溪雲齊花前歲歲同春酌醉醒遞換
無端倪

藥公拈余浮雲一洗萬峯出作畫并題短歌見貽依
韻報謝

藥公別具神仙筆照夜青藜逢太乙手翻滄海弄白日興

酣筆落如箭疾千巖萬壑何周悉爲我倒縮蓬萊歸一室
雲蒸霧合天地一半空風雨泉聲出

嵩陽雨夕懷王吳廬侍讀

登封城郭嵩之陽翠嶺青冥雲錦張重雲三日雨如霰滿
耳蟲聲秋葉黃此時獨坐生白髮忽憶美人邈金闕問尊
承晝坐論文捲幔清宵同對月長安車馬無時休臨歧執
手重淹留浩歌早識名山興瑤華送我尋嵩邱一生當著
幾兩屐放眼一步成十洲看君亦有向平意望遠那免張
衡愁玉女窗擣衣石來朝新霽凌絕壁與誰共作峯頭客

白龍潭上桃花源作

地近藥銚丹井一名
葉谷舊有蓮花菴

黃山峯壑幾千曲客游先就桃源宿
杖底殷殷雷繞身樓頭洶洶濤崩屋
清夢全醒風雨聲深林匹練中宵明
曉起

白龍掉長尾四山飛瀑來喧爭怪石礪礪排盾戟寒潭冰
雪澄空碧隔溪古寺斷疎鐘偃木垂藤纏絕壁匡廬三疊
天下稀嵩嶽九龍稱神奇何如此地獨兼併咫尺衆壑蟠
蛟螭複磴叢篁白日暝還泝藥銚尋丹井轟礚不聞人叫
呼倚杖空亭發深省問君蓮花菴在無連朝細雨山模糊
屋角一圭破雲影青鸞舞處看天都藥谷仙源難具陳琪
花紫翠秋爲春憑君傳語武陵客笑殺桃源洞裏人

華山歌贈王山史

華山突兀凌八荒仙掌摩畫摩青蒼洗頭盆水瀉銀漢斜
挂星辰森在旁攀緝直上幾千仞俯看海日生扶桑韓愈
當年驚眩處昔爲絕險今康莊誰能羅致歸戶牖耶那先
生有草堂霞舉煙霏何爛漫杖藜散帙隨昏旦奔騰腕下

走鍾王研索牀頭窮繫豕安車強起棲僧閣夜夜山中夢
紅藥蹠躐金門懶上書公卿縞紵還垂囊先生豈是塵中
人披帷慚就多逸民所歡顧況尤比鄰謂亭林先生華山不作
終南徑看爾三峯頂上身

太白祠

太白騎鯨去空留采石祠當軒千里水繞屋萬松枝山月
長清夜江雲無盡時誰將一尊酒把臂共論詩

燕子磯

絕壁寒雲外孤亭落照間六朝流水急終古白鷗閒樹暗
江城雨天青吳楚山磯頭誰把釣向夕未知還

秋夜送楚客

酒盡暮江頭歸心水急流月明分手夜風逐去帆秋客裏

添新鬢溽陽憶故邱前途君自愛寒露滿汀洲

亂後和劉文伯郊行

斜日照荒野亂山橫白雲到家成遠客訪舊指新墳戰地
冤魂語空村畫角聞柑看皆墮淚風葉自紛紛

與王兆京同年宿敬亭

不辨翠微色秋山紅葉重褰裳隨去鳥拄杖倚孤松人臥
半牀月風傳萬嶺鐘曉攀天際閣目斷白雲峯

慈仁寺松

直欲凌風去翻從拂地看摧殘經百折偃仰鬱千盤老閱
山河變陰兼日月寒支離爾何意不厭臥長安

力疾赴官比部奉別家叔父

抱疴甘伏枕話別卽沾巾風雨殘春路關河獨去人無才

安宦拙甯儉補家貧祿養嗟無及吞聲憶二親

涪湖尋邢敬之

四海倦游後還疑汎愛非寸心如落木逢爾復春暉移榻
連蔬圃烹魚出釣磯清歡成信宿不是醉忘歸

登江夏洪山寺塔

時官軍
方南征

峯頭開古寺塔下俯浮雲山勢龜蛇鬪江流沔漢分柳荒
陶侃廟風競伏波軍南望湖光白鴻歸度夕曛

大庾嶺

峭壁何年鑿炎洲此路開門容一騎入人度萬山來南北
各回首干戈更築臺蓬蒿行處滿漫說嶺頭梅

人日涇川

人日日初晴春風昨夜生野梅誰早折凍土又新耕餘雪

涓涓白流澌瑟瑟鳴琴谿聞控鯉駐馬一含情

懷蔡大美江行戲柬

作客歸無計應知夢草堂浮名驅策遠小婦別離長江路
多春兩山村易夕陽牡丹開太早不及共君觴

錢聖月重至宛陵有紀年詩

記昔論文處寒雲落敬亭人驚亂後在山比別時青甲子
存詩史滄洲賸客星十年一尊酒判醉不須醒

九華山東巖

旁有天柱峯王文成嘗燕坐東巖

山到東巖好橫開翡翠屏招提含宿雨洞壁倚寒星杖底
千峯小煙中九子青昔人曾燕坐天柱一荒亭

懷方邵村使湖南

水國春方漲扁舟去渺然波平嶽麓寺天入洞庭船下瀨

征蠻地長沙弔屈篇勞臣有王事郢曲幾時傳

厯下送梅子翔歸里

朔風一夜至庭樹葉皆飛孤宦百憂集故人千里歸岱雲
寒不散江雁去還稀遲暮兼離別愁君雪滿衣

湖心寺

上方浮近浦繫艇卽當門沙激通寒氣階基落漲痕孤城
春水岸歸鳥夕陽村欸乃歌聲入空庭未覺喧

秦淮閣夜

明月非霜雪滿城生夜涼閣浮楊柳岸風接芰荷香漁火
平臨檻蟲聲暗逼牀誰憐河漢淺牛女獨相望

懷梅幼龍移居

何處尋梅尉移家就蔣村怒流安水碓深樹蔭柴門詞賦

閒居得漁樵晚計存城東虛草閣寂寞野雲昏

薛子壽見示免官後詩感而有作起句用薛語

虎豹眞慈物斯言淚滿衣
全生猶過望多難始知非
黃葉連江下孤帆冒雨歸
布袍安穩著長掩故山扉
薛脫繫卽以布袍終身

舟中立秋

垂老畏聞秋年光逐水流
陰雲沈岸草急雨亂灘舟
時事詩書拙軍儲嶺海愁
洊饑今有歲倚棹望西疇

發宜春

新霽岫雲輕春風送客行
高臺迴嶂隔深樹雜花明
村徑半牛跡山田皆水聲
出門纔幾日鷓鴣已先鳴

中夜

時有星變

倚枕不能寐，惟含中夜情。爲誰催白髮，持底答蒼生。天意
星辰見，秋聲鼓角清。已聞哀痛詔，羣盜忍縱橫。

侍家叔父同諸公集來鳳亭

移棹忽聞鶯，芳洲此日晴。樹陰連野闊，山翠入江明。倚醉
親魚鳥，行歌答友生。不知春草色，何與故園情。

贈商賢

京洛歸何日，狂歌興不違。家傳殉國劍，身老釣魚磯。作客
燒黃獨，尋僧臥翠微。風流滿江漢，祇覺似君稀。

泊樵舍

漲減水逾急，秋陰未夕昏。亂山成野戍，黃葉自江村。帶雨
疏星見，回風絕岸喧。經過多戰艦，茅屋幾家存。

過湖北山家

路迴臨石岸樹老出牆根野水合諸澗桃花成一村呼雞
過籬柵行酒命兒孫去矣吾將隱前峯恰對門

雨後

歸田復多病寒雨送三春高柳不藏閣流鶯解就人道心
看物變時論薄官貧無限扁舟意澄江滿綠蘋

雨宿壇院

杖藜成薄暮亭館坐忘歸微雨洗山月白雲生客衣松槐
千樹合笙鶴九霄飛自笑塵中老來游此地稀

贈登封葉明府井叔

吏隱名山窟高齋雲氣重翠屏橫少室明月正中峯苔綠
前朝碣秋清遠寺鐘興來飛舄得何處有仙蹤

再過岑山寺憶程山尊舊同此游

重來新漲急小艇亂中流樹葉春藏寺谿聲夜滿樓
喧渚鷺報雨聽林鳩不共狂歌客登臨起暮愁

飲汪鈍菴宅

時屏跡謝客
爲予入郡

不分枉蘭棹重兼開竹扉窮交存白髮小酌坐清暉
官在還山久書成示客稀儻同吳市隱相傍老漁磯
別業蘇臺外幽棲何處尋入園松徑綠高枕石湖深
萬卷供多病千春獨寸心離筵殊造次還擬就遙岑

余澹心追送同舟至惠山

離人逢好友一棹傍林邱遠送同明月相看總白頭
野橋疏柳卧浦寺亂雲秋信宿傾情話閒心到十洲

寄汪舟次司訓贛榆

憶共西山宿高歌豈宦情一氈連大海五字竟長城
夜雨

桃花水春風畫角聲憂時休悵望絃誦是平生

時淮徐方苦河決

顧甯人關中書至

卜居從汗漫作客古長安抗志遺民在論交直道難朝川
園裏住華岳掌邊看尙有家山夢應知關塞寒

舊蹟滿西京高談就友生書曾搜孔壁詩已變秦聲多難
餘身健新編計日成別來頭並白望遠不勝情

始入白岳宿桃花洞天

樹裏柴扉暮不扃仙臺鐙火遠熒熒煙橫谷口虛堂白路
入山腰古洞青竹葉翻風喧夜雨桃花流水帶春星巘岈
五老遙相待明日丹梯上杳冥

日照觀海同呂翰公明府

萬里蒼波照客顏危亭天畔更躋攀魚龍欲見空中閣風

雨忽移何處山絕壑浮雲來掌上扶桑倒影接人間憑陵
愁思翻無際漁父孤帆去獨閒

光岳樓

危樓千尺瞰滄溟泰岱東來作翠屏拂檻寒星晴歷歷侵
衣銀漢晝泠泠地連朔雪孤城白天入齊煙一帶青尊酒
未酣人欲散西風黃鵠度空冥

青州道上

草色青青攬轡游馬頭見說古營邱荒村老樹聞鶯少舞
絮驚沙攪客愁霸氣尙留齊海岱微言誰問魯春秋登臨
預擬蓬萊閣好倚扶桑到十洲

登岱

羣仙冉冉下青峯迴合虛無紫氣重日出天門當漢時雲

深御帳失秦松雙崖石裂驚龍鬪四月桃開積雪封輦道
荒蕪民力盡相如禪草且從容

燕子磯和王阮亭

磯頭一望一含情吳楚風帆入掌平山寺樓臺銜岸出江
村煙火雜雲生東南極目眞天塹鼓角連年動石城今古
銷沈餘釣艇斷腸重聽暮潮聲

旅寓秦淮解蘭石農部移尊見過

疎柳高梧水閣西使君懷抱向清谿爲言笛步聽歌好自
喜金樽就客攜畫省風流兼吏隱滄江雲月伴羈棲清歡
未覺消長夜銀漢垂垂拂檻低

暮抵西山香城寺懷伯衡

先是相約
同游不果

蒼蒼絕壁迴龍嵒陟磴攀藤一徑通茅屋數家松葉下山

程十里水聲中天開殿閣迴峯抱日落雲霞半嶺紅正是
登高時節近故人相望隔江東

汪發若孝廉陽坡草堂

門徑陰森石磴斜城頭山館樹交加雲霞遠色橫千嶂雪
月寒光俯萬家烏几琴書皆傍竹陽坡風土舊宜茶愛君
兄弟過從數每歲吟看滿眼花

宿少林寺

夕陽半嶺照松關初地幽棲少室山僧磬自鳴林鳥靜天
風不動石蘿閒懸巖五乳青冥外古樹三花杳靄間聞道
折蘆人去遠錫飛常帶白雲還

見宋荔裳遺詩悽然有作

君按察四川會滇蜀反道梗憂憤死

好客平生酒不空高歌零落痛無窮西川終古流殘淚東

形明宋言田卷四一三
海從今少大風國士魂銷多難後離人望斷九原中張堪
妻子應誰託巢卵長拋虎豹叢

至南旺

客倦南來路河分向北流明朝望鄉淚寄不到江頭

山行

野寺分晴樹山亭過晚霞春深無客到一路落松花

三十六灣

湘陰

湘水行來轉檝頻迴波蕩漾送殘春低頭錯認鄉園水欲
喚青莎渡口人

書西山丁道人壁

山豆花開野菊秋隔林茅屋是丹邱客來問道惟搖手隨
意清泉繞屋流

鐵笛亭

谿光漠漠樹冥冥
勝事猶傳石上亭
樵唱數聲人靜後
松風吹出片雲青

晚晴後詩匯卷四十三終

晚晴篋詩匯卷四十四目錄

朱彝尊

七十二首

毛奇齡

五十一首

晚晴移詩匯卷四十四

徐世昌

朱彝尊字錫鬯號竹垞秀水人康熙己未召試博學鴻

詞授檢討有曝書亭集

王漁洋曰錫鬯文恪公之曾孫少逢喪亂棄制舉獨
 肆力古學研究六藝之旨於漢唐諸儒注疏皆務窮
 其指歸南喻五嶺北出雲朔東泛滄海登之罘所至
 叢祠荒冢金石斷缺之文莫不搜剔考證與史精參
 互同異其為文紆餘澄澹婉出風露於辯證尤精詩
 則捨筏登岸務尋古人初白之意於文句先生以名高
 作者未能或先也查初白變然終以有唐為宗
 入史館其稱詩最早格亦稍白變然終以有唐為宗
 語不雅馴錫鬯詩道正始之音不與人兼以代興之風
 鄧孝威曰錫鬯詩氣格本於少陵而兼以太白之風
 韻故獨為秀出無敢相驂騁者濟河岱間每以號召
 海宇一時名流無不南人亦濟河岱間每以號召
 薑田氏並舉為言江南人亦濟河岱間每以號召
 刻惟先生體大思精牢籠萬有而澄汰鍛鍊不肯
 云亦云迄今交游零落壇坫荒涼而新城蘇黃
 屹然為南北二大宗比於唐之李杜朱蘇黃

晚晴移詩匯卷四十四

詩話竹垞著述最富初刻文類二十六卷入翰林後
為騰笑集八卷晚乃編定曝書亭集四庫提要稱其
永嘉詩中南亭西射堂孤嶼瞿溪諸篇規撫王孟未
盡所長中歲以還學問愈博風骨愈壯長篇險韻出
奇無窮暮年老筆縱橫天眞爛漫惟意所造頗乏翦
裁晚景頽唐杜陵不免亦不能苛論所編明詩綜里
貫之下各載諸家評論不免以靜志居詩話分附於後隆
萬後所收未免稍繁然世遠者篇章易佚時近者部
帙多存當亦隨所見聞不盡出於標榜歸愚別裁謂
集中詩不分唐宋界限故各體俱備長律議論正大
格律工整步武少陵送曹侍郎備兵大同諸篇近李
北地應是中年之作晚歲俱歸流易前賢緒論茲為
允矣齋中讀書十二首足見平生為學宗旨故備錄之

逢姜給事

塚

黃門先生官左掖力欲拔山氣辟易虎豹天關閉九重孤
臣血肉徒狼藉東萊蜃市易沈淪南國相逢淚滿巾青鞵
布韞江湖外誰念當時折檻人

哭王處士

翹

書信傳初到銘旌已在途今來紛涕淚昔別念須臾迢遞
悲長道艱難喪老儒山陽懷舊賦流恨滿江湖

遠道將歸客孤舟返舊林招魂迷楚水卧病絕吳吟夢裏
羅含烏囊中陸賈金猶憐別時語悽斷故人心

江海飄零日秦川喪亂餘淒涼蒿里曲生死秣陵書零雨
沾青草高原哭素車南山桂搖落無復子雲居

知已從今少平生負汝多人生看到此天道復如何流水
笳簫曲悲風薤露歌王猷竹林在舊徑不堪過

落日明丹旆飄風卷總帷途窮偏作客身老獨無兒書籍
今何託人琴不可知高山空有調回首失鍾期

相送悲長別還家慘獨行流連簡書札次第念交情自有
篋中作何難身後名泉臺應快意未必似平生

謁大禹陵

夏后巡游地茅峰會計時雙圭開日月四載集輶轡國有
防風戮書仍宛委披貢金三品入執帛萬方隨相古洪流
割欽承帝曰咨寸陰輕尺璧昆命有元龜自授庚辰籍甯
論癸甲期清都留玉女惡浪鑱支祁荒度功攸賴平成理
自宜神姦魍魅屏典則子孫貽明德由來遠升遐亦在茲
邱林無改列弓劍祇同悲回首辭羣后傷心隔九疑鳥耘
千畝徧龍負一舟移斷草山阿井空亭嶽麓碑芒芒懷舊
跡肅肅禮荒祠黃屋神如在桐棺記有之筵誰包橘袖隧
或守熊羆共訝梅梁失因探窵石遺塌來憑弔處拜手獨

陳辭

南鎮

稽山形勝鬱岩堯南鎮封壇世代遙絕壁暗愁風雨至陰
崖深護鬼神朝雲雷古洞藏金簡鐙火春祠奏玉簫千載
六陵餘劍舄帝鄉魂斷不堪招

遶門山

修途緣廣隰川暝高煙平迢迢前山路落日西林明舍舟
復登陸慰我巖壑情斧斤山林外白石丁丁鳴危梯懸木
杪幽谷聞人聲陰晴古壁暗高下蒼崖傾或見山火出時
聞猿鳥驚平看雷雨黑下視源潭清微風吹素浪日夕云
云生山田足禾黍水石明柴荆何年此幽棲深謝世上名
無爲在 cities 戚戚多所營

舟中望柯山

朝光麗華薄清川蕩浮瀾棹楫臨江臬流目肆遐觀丹葩

眩重谷素雲層巒我行既遲迴顧景多所歡青林翳巖
桂香風過崇蘭空亭邈孤高修竹自檀欒緬懷古之人知
音良已難

秣陵

秣陵城闕暮雲封估客帆檣落日逢萬里星霜沙塞雁五
更風雨掖門松長江鐵鎖空千尺大道朱樓定幾重此夕
愁人聽鼓角驚心不似景陽鐘

大孤山

兩孤去百里宛在中流半匪獨形勝殊氣亦變昏旦天梯
鬼斧開廟火神鴉散昭昭雲月輝歷歷明星爛空水既澄
鮮浮光亦凌亂飄飄御冷風恍忽度銀漢未有歸與情空
深逝者歎

度大庾嶺

雄關直上嶺雲孤，驛路梅花歲月徂。
丞相祠堂虛寂寞，越王城闕總荒蕪。
自來北至無鴻雁，從此南飛有鷓鴣。
鄉國不堪重佇望，亂山落日滿長途。

滇陽峽

吳山多逶迤，粵山獨嶄崟。
壁立千仞餘，洞壑俯穹嵌。
子午見日月，朝夕鳴松杉。
天風一以至，蕭瑟吹江帆。
懸崖答長嘯，空翠溼征衫。
側聞飛仙度，遠見浮雲銜。
何當斲靈藥，坐惜無長鏡。

香爐峽

何年香爐峽，擅此香爐名。
匡廬與會稽，秀色同削成。
篁徑散彩翠，溪流澹澄明。
青雲結車蓋，白日懸霓旌。
孤舟泛容

與百丈紛縱橫人影如沙蟲林林川土行夕陽下長坂猿
鳥盡哀鳴征途渺何極惻惻使心驚

大廟峽

連山何迢迢迢迢夕陽外我行曾幾時虛舟入青靄崖傾
斷車箱廟古陰松檜遙見靈旗翻微風響清籟川光與天
容上下如衣帶纍纍白石明窅窅浮雲晦日夕故鄉心山
川渺吳會

羚羊峽

泠泠高峽水際曉煙光微一聞征橈發宿鳥皆驚飛浦樹
既迢迢山雲亦依依谿迴修竹靜日出行人稀雙崖信奇
峻屹立如重圍猿猱相叫嘯水石湛清輝遂令游子心萬
里亦忘歸林棲如可得願息漢陰機

五羊觀

中天臺殿倚南溟，玉珮雲衣散百靈。
瘴雨不開煙樹黑，驚濤直下海門青。
騎羊舊說朝仙馭，銜穀何年降楚庭。
歎息遺墟今寂寞，高林空度羽人經。

越王臺懷古

君不見越山高高越臺古，複道逶迤接南武。
北望山頭徧白雲，西臨城下環珠浦。
由來形勝盡高邱，萬里天南此壯游。
驚濤暗向扶胥落，佳氣晴連鬱水浮。
憶昔中原逐秦鹿，五軍矢利屠睢番。
君一出王衡山，戶將從征入函谷。
天教霸象開南溟，宵分東井聚五星。
龍川縣令起嶺表，被書移檄馳邊庭。
聲言三關盜兵至，一時按法誅秦吏。
萬人旣築滇陽城，千里還開雒王地。
漢帝當年爲剖符，陸生燕喜

出西都冠裳鮪結須臾變文錦蒲桃絕世無番禹之交一
都會因山築臺落天外百丈迴盤信壯觀三時朔望長升
拜自古羈縻稱外藩誰令市鐵禁關門不見鮫魚重入貢
旋看黃屋自言尊漢使陳觴更行樂紫貝明犀雙孔雀重
來錦石已成山歸去黃金遂盈橐一從蒟醬啟唐蒙越騎
校尉甘泉中是誰僂殺棄縵者江淮巴蜀紛來攻伏波下
瀨軍三面樓船戈船齊教戰合浦珠崖隸海隅山薑扶荔
移深殿尉佗城圯夕陽原建德園荒秋樹根虛傳避暑游
宮闕幾見浮杯出石門木棉花開山雨積鷓鴣嘯處蠻煙
碧舊井潛移郭璞城離宮半入虞翻宅人事消沈洵可哀
千秋朝漢餘高臺漢家遺蹟不可問吁嗟乎歌風柏梁安
在哉

崧臺晚眺

傑閣臨江試獨過側身天地一悲歌蒼梧風起愁雲暮高
峽晴開落照多綠草炎洲巢翠羽金鞭沙市走明駝平蠻
更憶當年事諸將誰同馬伏波

入景福洞登璇璣臺

紺宇陟既窮靈域探未竭援蘿巡傾崖窺巖辨修碣滅跡
超重深拂衣避硨磲入窻驚坎習出泉自蒙發洩雲晴未
歸石火寒不伐吹萬聆天風明兩見日月芳塵凝花堂象
緯逼金闕陰澗待息心陽阿足晞髮歲晏當來游毋令蕙
草歇

由香關至玉虛觀遂轉登絕頂

山行不辭勞况非道路長石門敞層阿沙草敷陽岡仄徑

既窈窕連峯復青蒼登高眺千里矯首凌八荒飛鳥遺之音埃風吹我裳覽彼終南詩有紀亦有堂亭亭翠旗列宛宛朱鳳翔忘憂豈在邇爲樂誠多方向當啟閭闔高舉朝紫皇

下扶嘯臺陟閬風崖自蓬壺徑汎舟入鐘鼓洞

高寒肆冥搜幽異愜心賞窮梯背樵蘇密徑面篠蕩睇後路既迴瞻前渚彌枉緬辭蘇門嘯重作剡溪訪泉石匪自今亭臺已成曩其鏗異短聞無射中奇響偉茲造化功流形信无妄津逮興故超神淵道斯廣懷哉謝人寰歸與授吾黨

峽山飛來寺

花宮蕭瑟暮雲間絕磴藤蘿迴莫攀一自高風留帝子至

今修竹滿空山澄潭岸去沈金鎖古洞猿歸帶玉環此夕
登臚渾不寐更教沿月弄潺湲

謁張曲江祠

峻坂盤神樹陰崖鑿鬼工芳塵羽扇冷春燕玉堂空不觀
關門險誰開造化功經過遺像肅千載嶺雲東

題南昌鐵柱觀

丹藁縹緲麗層城鐵柱縱橫鍊紫清陰洞蛟龍晴有氣虛
堂神鬼晝無聲游人自愛登高賦仙吏仍兼濟物情雷雨
忽愁天外至江湖元在地中行

喜羅浮屈五過訪

春風蝴蝶飛綠草南園徧知是麻姑五色裙羅浮山下曾
相見開門一笑逢故人遠來問我桃花津若非綠玉杖定

跨黃麒麟不然出入京雒一萬里何爲布素無緇塵相知
樂莫樂不用金箱圖五岳況今天地多戰爭赤城華頂風
煙驚山陰道士不得見四明狂客誰相迎由拳城南春可
惜竹石如山水千尺從此扁舟范蠡湖長歌來往裴休宅

顯皇帝大閱圖爲吳金吾國輔賦

萬歷初太師張文忠公居正秉國勸

駕大閱時兵部尙書吳公兌實典禁旅俾圖以傳
子孫錦衣都督同知國輔尙書曾孫也出以觀客
圖長三丈餘內自官闕外至陵寢極於沙漠止焉
絲是萊陽宋琬作賦南昌王猷定作記而彝尊作
詩以述之

神廟垂衣日江陵總百官揆文先奮武慮亂本居安殿上
蕭何履朝中貢禹冠孫通明禮樂方叔莅師千駕馭英雄
在超騰士馬驩車徒看翼翼禁旅尙桓桓畫史眞能事披
圖得鉅觀丹青榮顧愷宮室擬胡寬歷歷開城闕高高疊

井榦虛無凌倒影縹緲結重欒太液波還靜長楊露未乾
妝樓原自鑲圓殿不禁寒仙仗移平樂霓旌擁上蘭忽驚
千騎並旋訝六營團作氣陳金鼓前驅建玉鑿輕雲承翠
蓋麗日表朱竿遂列堂堂陣爰升將將壇小侯班四姓大
閱用三單紫燕雙絲絡花驄七寶鞍呈能羣角觝教射集
星弁解飲籌無算鏡歌曲漸闌行知塵冉冉歸想佩珊珊
遠勢工尤極平原繪更難蕭疏連板屋迢遞出峰巒百里
生毫末諸陵望鬱盤薊門無堠火函谷有泥丸老謀猶
壯諸孫手澤完錦題探篋筍湘簟展琅玕對此成希覲因
之感萬端雨煙飛蜀錦霜雪皎齊紈賦愧王延壽謠同梁
伯鸞儀章長在目珍重歲時看

留別董三

陸

離堂翦燭重燒燭深夜他鄉說故鄉作客蕭條官舍下逢
君歌哭酒壚傍明朝分手仍南北後會相期各渺茫長路
烽煙驚海甸亂山風雨暗河梁

于忠肅公祠

昔在狼山下軍書犯近坵六師輕朔漠萬騎失雷霆土木
塵長滿龍蛇歲不甯豆田沙浩浩黍谷路冥冥濟世須元
老長材總四溟從容持國計指顧悉兵形瑕呂安羣議劉
琨表外廷嗣王仍歷數高廟有神靈旣罷金繒款無煩白
馬刑北轅旋翠輦南內啟朱扃命已甘刀鑊功眞溢鼎銘
春秋隆代祀俎豆肅維馨一自輶車至難期煠火停遺墟
愁戰伐大樹日飄零碧草空祠長黃鸝過客聽霜鐘沈曉
月風牖繞明星卞壺誰修墓巫陽數降庭識還思雨帝碑

欲墮江亭遠水澄湖碧流雲暗壑青千年華表鶴哀怨此
重經

吳山望浙江

一峰高出萬松寒磴道虛疑十八盤近海魚龍吹宿霧中
天日月轉浮瀾風帆岸壓明珠舶仙樹花濃白石壇舊是
錦衣行樂地江山眞作霸圖看

寒夜集鐙公房聽韓七山人留彈琴兼送屈五還羅

浮

韓生燕市來夜向招提宿本是悲歌擊筑人援琴爲鼓清
商曲安絃操縵夜三更良久徘徊不出聲坐使閒心遠方
聞逸響生商風泠泠七絃徧天馬空山忽不見石上爭流
三峽泉平沙亂落蕭湘雁聞道清商固最悲不如清角更

淒其一彈試奏思歸引再轉重愁雙燕離此時晨鐘猶未
撞月露霜華滿深巷四座無言歎息頻箏欲滅風升降
羅浮道士思幡然忽憶朱明舊洞天種得梅花凡幾樹泥
成丹竈已千年雲山告歸從此始四百三十二峯裏入海
能馴海客鷗攜琴便駕琴高鯉

送曹侍郎備兵大同

司農論議朝端重副相聲名輦下聞豈意尙煩西顧策翻
教暫領朔方軍河邊遠道人千里天外鄉書雁幾羣到日
關城春色早李陵臺畔柳紛紛
關榆蕭瑟二庭空埃火平安九塞通往日連師驚朔漠只
今市馬互西東黃河天上三城戍畫角霜前萬里風知有
馮唐論將帥不令魏尙久雲中

將之永嘉曹侍郎餞予江上吳客韋二丈爲彈長亭
之曲并吹笛送行歌以贈韋卽送其出塞

韋郎舊隸羽林籍曾向營門教吹笛不聽吳中白雪音定
呼鄴下黃鬚客平原相見轉相親置酒誇君坐上賓下若
尊疊朝未罄東山絲竹夜還陳閒來坐我花間奏玉洞飛
泉嚮巖溜古調多傳關馬詞新聲似出康王授問我東行
到海壖日斜江上慘離筵還將北雁南飛曲催送錢塘楚
客船船人搥鼓津頭泊紅葉千山富春郭忽作邊秋出塞
聲江楓岸柳紛紛落哀絃促管不堪聽賓御聞之亦涕零
挂席遠移巖子瀨看山直上謝公亭聞君欲問雲中戍雪
消飲馬長城去廣武營邊折柳時黃瓜阜上題書處司農
舊是出羣才此日征西幕府開試向尊前歌一曲梅花飛

編李陵臺

明田余言題名一四

金華道上夢游天台歌

吾聞天台山高一萬八千丈石梁遠挂藤蘿上飛流直下
天際來散作哀湍眾山響燭龍銜日海風飄猶是天雞夜
半潮積雨自懸華頂月明霞長建赤城標我向金華問客
程蘭谿谿水百尺清金光瑤草不可拾夢中忽遇皇初平
手攜綠玉杖引我天台行天台山深斷行路亂石如羊紛
可數忽作哀猿四面號青林綠篠那相顧我欲吹簫駕孔
鸞瑤臺十二碧雲端入林未愁苔徑滑到面但覺松風寒
松門之西轉清曠桂樹蒼蒼石壇上雲鬢玉洞展雙扉二
女明妝儼相向粲然啟玉齒對客前致詞昨朝東風來吹
我芳樹枝山桃花紅亦已落問君采藥來何遲曲房置酒

張高宴芝草胡麻迭相勸不記仙源路易迷樽前只道長
相見覺來霜月滿城樓恍忽天台自昔游仍憐獨客東南
去不似雙溪西北流

謁劉文成公祠

草昧經綸日英雄戰鬪年真人淮泗起王氣斗牛躔命世
生良弼卑棲役大賢一官齊簿尉千里正戈鋌記室依袁
紹飛書謝魯連神鷹思飽擊威鳳必高鶩漢祖除秦法周
王卜渭畋廟堂才不易束帛禮宜先遂有君臣契能令帷
幄專南征頻克敵北伐旋摧堅王會收三統軍謀出萬全
河山分帶礪冠蓋儼神仙未辟留侯穀長辭范蠡船麒麟
當日畫竹帛後時編一自邱陵改重愁歲月遷隆中猶故
宅繇上少封田舊俗還祠廟清歌入管絃黃金遺像蝕鐵

即明卷言圖卷四一四
一
券幾人傳古瓦，黽黽落荒庭。檜柏圓蛛絲，虛寢胃鳥跡。斷碑眠想像，陰符策沉吟。寶劍篇前賢，餘事業後死。尙述遺去，去辭粉梓，栖栖到海墻。空林多雨雪，哀角滿山川。玉帳無遺術，蒼生久倒懸。憑留一黃石，相待穀城邊。

七夕

遠客清樽夕，虛堂玉露秋。關山頻北望，河漢已西流。葉落他鄉樹，碁催故國樓。今宵看織女，未必詣牽牛。

雨渡永嘉江夜入柵溪

落日下崦嵫，飛雨自崇墉。駕言出北郭，汎舟橫東江。近岫既凌緬，遙岑亦濛籠。蔥青水竹交，乃有樵徑通。潛虬寒載蟄，海鷗夕來雙。顧望雲葉開，張星昏已中。荒岡響哀狝，枉渚遵輕鴻。故鄉日以遠，川路靡克終。寄言薜蘿客，歲宴期

來同

送孫處士默還黃山

蕪城客散亂烏嘯別業黃山路不迷後夜相思秋色遠月
明三十二峯西

出居庸關

居庸關上子規嘯飲馬流泉落日低雨雪自飛千嶂外榆
林祇隔數峯西

土木堡

平蕪一簣狼山下九月驅車白霧昏到眼關河成故跡傷
心土木但空屯元戎苦戰翻迴蹕諸將論功首奪門早遣
金縉和社稷祠官誰奉裕陵園

宣府鎮

高城西北控燕都吹角清秋落日孤尙憶武皇巡玉塞親
從鎮國剖金符宮槐御柳今蕭瑟虎圈鷹坊舊有無邊事
百年虛想像誰誇天險塞飛狐

雲中至日

去歲山川縉雲嶺今年雨雪白登臺可憐日至長爲客何
意天涯數舉杯城晚角聲通雁塞關寒馬色上龍堆故園
望斷江村裏愁說梅花細細開

贈周參政

周君北地推風雅幾載栖遲白門下四壁蕭然竟罷官知
君亦是悠悠者匹馬西來訪故人相逢師友更情親自言
溽暑辭堂邑不覺辛盤換早春春晴風日官齋迴翰墨于
今數公等畫品眞同顧愷工隸書遠見鍾繇並貽我梅邊

索句圖江南春思到平蕪蒼苔濁酒尋常得冷蕊疏枝何
處無紇千山高凍飛雀健步移來總蕭索不見黃鬚細細
閒惟愁白雪紛紛落蘇武城邊送別遲柔乾河上已流澌
遙將南浦離人曲迳入西征橫笛詞憐君此去壺關道盍
簪到處逢迎好澤潞三時芳樹多江風五月歸帆早滄洲
萬里憶田廬流水柴門今尙虛卜鄰儻就移家約來共梅
花溪上居

雁門關

南登雁門道騁望句注巔山岡鬱參錯石棧紛鉤連度嶺
風漸微入關寒未捐層冰如玉龍萬丈來蜿蜒飛光一相
射我馬忽不前抗跡懷古人千載誠多賢邳都守長城烽
火靜居延劉琨發廣莫吟嘯扶風篇偉哉廣與牧勇略天

下傳時來英雄奮事去陵谷遷數子不可期勞歌爲誰宣
嗷嗷中澤鴻聆我慷慨言

晚次崞縣

百戰樓煩地三春尙朔風雪飛寒食後城閉夕陽中行役
身將老艱難歲不同流移嗟雁戶生計各西東

紫藤花下醉歌同查上舍弟

剛琛賦

客舍紫藤長數尋
秋夏年多半枯槁
往歲丰茸莖太密
花事去春翻草草
今年二月呼園丁
三百銅錢費除掃
雖然芟後花較遲
漸見含苞同蕨腦
檐牙朽株換棚格
井牀新汲傳栲栳
翠欸低垂香細細
游絲不動日杲杲
鉤簾忽驚啁雀去
仰面生憎土蠶抱
越州老酒吳船來
小榼偏提恣傾倒
頭銜久矣脫朝簿
那問鼕鼕鼓昏早
惜哉筋力日已

疲惟有花前不知老停杯還憶故鄉路亂水穿沙入裴島

千章古木藤纏身飄落繁英滿衫襖明年期爾橫漲橋

所柔艣嘔啞撥萍藻綠陰共聽黃栗留醉卧楸頭船更好

爲錢給事

晉錫

題王給事

原祁

富春大嶺圖

記得山城水閣添畫眉聲裏畫垂簾還憑同省王郎筆暝

翠浮嵐五尺縑

富春江上雨溟濛兩岸花開躑躅紅髣髴舊游如畫裏一

帆曾轉釣壇東

出都王山人

翬

畫山水送別

王郎五載一相逢寫出雲巒別思重髣髴攝山風月夜秋

窗同聽六朝松

寄陸侍御

隴其

主恩先後逐臣還羨爾幽棲
一灣想得著書風
幔底桂花如霰落秋山

光孝寺觀貫休畫羅漢同陳恭尹賦

貫休手寫一十六羅漢其二乃在南海訶子林昔游真蹟
未得見念之三十五載縈人心白頭重作嶺南客故人期
我虞翻宅僧廊亂後花木猶瓏璵薤菜春生滿池碧循廊
轉入精廬深一幅居然挂東壁古綃尙白石轉青恰於石
罇安疏櫺一僧俛首力寫經自準以下祇半形芬陀利花
貝多葉櫻欄筆管毛猩猩不知金天之西何處得石硯毋
乃昆吾玉切新出硯一僧卻立侍巾餅靜如沙鷺翹涼汀
窗鐙不翦信明滅杪樞樹底風泠泠窗前千歲老猿拱雙
臂平叔兩肩聳筍鞵桐帽木葉衣想見霜濃寒到踵精誠

能令感金石何況羣生知怖恐禪月師流傳三絕畫書詩
詩編巨岳集書有姜體遠本周之史籀秦相斯未若畫品
更崛奇卽如此幅遠出意匠表或疑入定眞容髣髴親見
之不然調鉛殺粉能爾爲訶林僧神物藉汝能世守不見
宣和舊譜遺蹟久云亡豫章西山雲堂院中亦何有我欲
賺汝去莫飲我缸面酒我欲奪汝歸玉鴉又不在于世間
豈少珊瑚鐵網珍珠船自今貯之伏梁閣檻庶可全

嶺海將歸梁吉士

佩蘭

載酒邀同屈

大均

陳恭尹吳

章

王準

陳元基

梁無技

季煌

燕集五層樓席上分

賦得會字

飛樓壓高城人天納萬籟登臨信可娛矧與羣彥會吉士
澹蕩人偕行屏軒蓋論交半登笠雜坐緩巾帶樽中酒如

泉海大魚作鱸款款話別悰迢迢念歸旆於焉感昔游茲
樓在晚靄凝思躡丹梯興發不可奈惟時建雄藩自比夜
郎大郎中鑿園池巧匠恣雕繪水亭擬舟梁山木徒樅檜
長姣羅美人管庫斂文貝因之設厲禁游者必鉗欵一閉
金獸環廿年委榛蒼修蛇穴其中妖鳥叫其外雖免劫火
焚終遭颶風害人事戒滿盈天意惡侈怵六師一以移漢
將齊下瀨劉王舊花塢金粉盡淘汰今來縱游觀足以動
深慨觴罷復凭闌遠目豁矇肺祝融方司南尉陀臺占兌
萬井鬱參差百谷互陽昧人影數沙蟲林梢亞蓬艾我非
雲中君何緣出塵壻少陵有遺詩將老斯游最

樟灘

建溪饒驚渌樟灘最巉險顛波勢欲下亂石故磨颺窪坳

碾作渦刻露圭就琰我哀憂患多過此容色斂篙師凝睛
立尺水巧迴閃鏗然矢投壺狎恰不誤點輕舟恣一擲縱
若鳥脫罟以茲推物理遇境適夷險人或發禍機忌者思
盡掩揚瀾沸平地鑿空架崖厂由來人背尊未必鬼神貶
濟盈軌易濡忠信幸無忝習坎入坎凶既出夫何玷浮海
桴可乘舟楫況剡剡

二月朔查山探梅集六浮閣分韻得覃字

查山一卷石太湖匯西南梅花幾百萬亂插如著簪我來
微雨後盡坼霜苞含橫披谷錦繡倒映天蔚藍高臨銅官
井下者菖蒲潭鹿眼編疏籬鹿胎糝空岙卑枝或壓帽瘦
蒂恆飄彤粉蝶羽翻飛白龍須鬢髮曩時李先輩邱壑性
所耽過之不能去思結小圓庵點筆寫爲圖買山付虛談

清河有一老於此開徑三詩壘黃篋樓生壙金粟龜偶占
絕勝地戶戶圍重嵐漁洋峙厥左層波激滄溟其右浮者
六一一同眠蠶所憾激浦隔未得窮幽探徒羨漁子艇揚
帆捉蠶蚶張郎敬愛客託契來僑鄰園蔬進香飯家釀發
新坭蟛鮓列瑣細橙橘分酸甘主賓迭相勸力飲忘身酣
是夕陰復晴淨洗雪曇曇花光暝逾蒸四坐聞醜醜牽吟
共陶韻語笑吳越參酬和繼沈范少長齊羅甯禮從野人
野嗜比貪夫貪昂參橫醉後各各猶研覃回憶平生游斯
集樂且湛擬留信宿居懶上白竹籃

齋中讀書

周官掌三易以通天下志卦名或不齊旅占本一致豈有
先後天瓜離異方位斯言僞且堅足以亂神智演爲方圓

圖申以河洛義儀象卦已陳相錯六十四圖中迭相生十六三十二請問安樂翁正名名焉寄

太極非有象一元氣渾淪陰陽至精數義由道士伸列圖

自下上三五理具陳陳子昂詩太極生天地三元更廢典至精亮斯在三五誰能徵義見道家

洞真元番番希夷叟以此勒貞珉元公一丁倒遂爲席上

珍陳博無極圖倒易後來費朱陸往復辭紛綸仲尼不可

作誰與別僞真

書名達四方掌之周外史曷言乎書名毋乃小序是馬鄭

注漆經大義已及此古文雖未見序先暢厥旨云何宋諸

儒深文共排毀書序非孔子作其說始林之奇吾聞國史言序書自孔子

哀哉秦火後未亡亦僅爾苟屬聖人言亦當存其似不見

小戴文禮家以取土何獨詩書序攻者後先起

九疇一五行洪範義先具伯繇一汨陳維帝乃震怒啟賢
能繼禹天罰行有扈桑門易地風其說本舛互奈何洛下
儒侮聖不知懼用三革其二變一成百悟既與洪範殊甯
免彝倫數百世而可欺君子亦有惡

孔門善說詩子云商起予流傳大小毛授受大小序縱有
齊魯韓見之色斯阻夾漈一後生攻以烈火炬先儒誤聽
信鑿柄生齟齬微言忽中絕大義不復舉聞人左邱明著
書秦相呂其言雖近誣其事頗足取國僑賦褻裳晉爲退
師旅木瓜美齊桓情豈係男女詩教厚人倫誨淫何獨許
可怪上蔡師魯齋王氏爲爲力亦太鉅芟棄鄭衛篇竄改
雅頌所王氏擅剛鄭衛諸篇又退名南野有死麕誰爲辨
異同復遵箋傳語

男女一相悅情迫莫自持不聞桑中契先以定情詩國史
明得失輶軒別醇疵如何歷鄭衛專錄淫人辭雞鳴風雨
夜奔者亦可危執袪遵大路豈不畏人知邱中有麻麥兩
雄共一雌雙雙李樹下甯免相詬訾立言詎可訓說者宜
再思無邪尼父教用告童子師

詩亡王迹熄百國有春秋魯叟乃筆削寶書肆旁搜晉乘
楚構杞鄭志亦見收斯爲天子事邦國合九州大書王正
月恐疑於孟陬胡氏逞私智謂以夏冠周豈其一布衣斧
鉞威諸侯美惡同其辭此言尤謬悠當其在講幄君臣意
綢繆經義月經進諷諫同轉輟是時十將存可復二帝讎
奈何戒黷武惟知安是偷得毋檜所薦知己士當酬流傳
誤後學乖舛難悉糾曷不廢其書述事準左邱

素王六經外論語其總龜紀者六十四義取春秋辭同門
有不善一一具書之由求予亢寮言失不可追揆諸朋友
義情得徇其私甯形弟子短但以尊先師試觀孟子徒克
丑亦若斯後儒不曉事吹毛務求疵倡論輟從祀平反者
爲誰不若鄉愿人非刺無可施警宗祀此輩眾口庶不訾
吾思屋上烏愛由丈人推云何七十子一眚罷其祠何年
復舊典俎豆敕有司

漢士守一經其義或駁踳眞儒起北海卓哉鄭司農博綜
六藝旨叩之等木鐘於時內外學罔不羅心胸用以釋儀
象明堂暨辟雍初非尙怪異專一譚魚龍緯書河圖
魚龍最怪至於
五帝名亦惟祀典從德業旣日尊弟子爭扳逢黃巾拜車
下後儒翻不容一朝輟粟主俎豆何由供嗟彼黎邱鬼謂

也通乃以祀瞽宗

秦延君說書數文太支蔓堯典僅一篇爲言且三萬博士
賣騎驢亦費三紙券吾思吉人辭終與躁人遠辭苟足以
達其義自繾綣勿徇買菜求第抒心所願不見陸士衡才
多反爲患

詩篇雖小技其源本經史必也萬卷儲始足供驅使別材
非關學嚴叟不曉事顧令空疏人著錄多弟子開口效楊
陸唐音總不齒吾觀趙宋來諸家匪一體東都導其源南
渡逸其軌紛紛流派別往往近麤鄙羣公皆賢豪豈盡昧
厥旨良由陳言厭蹈襲乃深恥云何今也愚惟踐形迹似
譬諸芳蔗甘舍漿噉渣滓斯言勿用笑庶無乖義始

羣雅日凋謝後起靡有涯奇觚累百人各自名其家吾衰

尙有志道古閑諛邪有明三百禩攬秀披春華青田與青
邱二美洵無瑕吾鄉數程貝雙珠握靈蛇自從永宣來其
辭正且葩泊乎嘉靖季七子言何夸鉤金縱可揀莫披黃
河沙一咻眾楚和是後尤卑哇先公聞馱舌頓生亡國嗟
先太傳初聞袁中郎鍾伯敬論詩歎曰安得此亡國之音慘然不憚吾欲返正始助我者誰
邪

送張士琦令永新

春草烏斯道長洲陸子餘由來循吏傳頻見永新書送爾
之官去牽絲製錦初秋山日蒼翠詩卷共清疏

調秦伯廟

沮漆尋源合江蠻相土弘古公遺哲嗣內傳有明徵肇迹
貽謀遠先幾脫屣能帝心惟季度祖武得昌繩句曲誅茅

始衡山采藥曾屈伸等龍螭游息喻鷓鴣三讓聲何忝羣

黎愛莫懲稻田占樂歲泰伯圍田城內瓜瓞啟新陞冽井深堪汲

高墉近可乘謳歌頓洋溢獄訟省侵陵化被仁風厚經傳

至德稱宋徐僑請更論語名魯經玉輿初弗顧黃屋詎難勝陸雲碑獄訟載歸詎

歌屢請能舍玉輿之貴永襲皮冠之迹自鑄宗盟重維南庶績凝命圭還作

伯端委豈無朋節孰千秋並名將萬代矜苻子太伯將讓國語其傳曰王

欲吾嗣一國之事吾其羞之吾聞至人不貴一代之表泰伯世家倫序定人表上中

應漢書古今人表泰伯仲雍均居第二等地紀吳甄胄見陸廣微吳地記祠沿漢永

興到門帆葉卸陸龜蒙詩讓門外開帆葉王倚郭殿檐層行潦蘋長薦

平墟墓未崩友于同一廟皮日休詩一廟爭祠兩讓君棲止必雙憑熟

食均籩豆文身判股肱獨存冠黼喁不散髮鬢髻史記索隱引世

本文雍是熟食故字熟哉攸文身被髮止雍一人遜位翻追王浮家乃誕登典儀

咸秩久齋宿有司恆芭舞經春演靈旗練日升官橋行坦

坦近廟有至德橋社鼓奏鑿鑿霸業諸孫歇豐碑異代增斗牛含

氣象烏兔信環縵議禮邦人懈彌文俗吏憎漸疏胞與翟

下遣簿兼丞畫繪添奇鬼潘凱記祠兩廡下土妖木魅詭形罔象編氓勾福膜拜乞靈

性醪減舊秬但令巫史祝罕觀蕙肴蒸斷礎方花溼空廊

蔓草芳青蟲晴挂樹蒼鼠暗窺鐙邇者鳴鑿至恭惟嘉惠

承爲章倬雲漢題扁照楓棧過客爭趨謁其誰免戰兢杏

梁浮震澤粟主配延陵墜典勤分掌同時范文正程明道宗忠簡諸祠降御書

願編恩言盡服膺法施民矢報終古潔銅甌

寄訊龔御史翔麟

江橋卜築意麤安聞道田居十畝寬不使車塵喧戶外儘

容山色到簷端鐙前綠酒雙魚洗雪後紅衣一釣竿料得

時巡春有信種花應許上樓看

近年每逢車駕巡幸一至杭州

毛奇齡原名銜字大可一字于一又字齊于別號河右

又號西河又有僧彌僧開初晴秋晴晚晴春莊春遲諸號蕭山人諸生康熙己未召試博學鴻詞授檢討

有西河集

施愚山曰大可近體多新語不作淹熟樂府五言古
哀情促響悱惻無端其騷之苗裔乎七言古似
識率多古音其長吉王建之問手鄭荔卿曰以雋
骨幹豔彩莊而不重宕而不佻令人於千載後重見
神龍景雲風度阮芸臺曰西河檢討詩咀含六朝
三唐之勝沈博絕麗窈窕情深其七律如三月暮春
行海岸兩年寒食渡江東又歲暮他鄉還作客
春來何處不思君天然拍興而成然格律嚴骨韻
詩話西河天才詠麗詩多佇興而感多見性情通
馬思力亦沈中年以前所作豪宕哀感多見性情通
籍後莊雅近臺閣體意境一變要皆一守唐格不作
宋以後語集中病詩既多自云酬應者計九宴游者
殆未觀西河之深

讀史詩

張生本文孺夜起受簡編忽從游俠行破產思報韓志意
久不達物鬱何由宣一朝風雲生帷幄進讜言持籌并握
箸所至無拘挺當其家居時游戲商洛間平交結者舊偉
製裁衣冠辟穀散暮氣刷芝當晨餐貧賤可肆志富貴難
久安甯負平勃交勿棄園綺歡遐哉赤松游豈爲求神仙
蘭成煙霞姿倜儻超等倫少小作鈔撰落筆如散銀並使
嚼鸚鵡同等摩麒麟池臺紹河曲鐘鼓宴洛濱太平三十
載總是梁朝人豈知蒼鵝飛頓令玉馬湮朱桁撤單舶青
袍蔽長津庶望下亭旅重邁南郡春如何走秦關別館留
孤臣三戶旣已盡七葉誰見親從此東海鳥長作西都賓
陽春方遞代去故當就新寒暑有時盡日月無返晨臨都

哭三晝繞屋步百巡豈不被顯爵亦既叨殊恩無如慕鄉
井惠好難重陳生逢亂離世老作異代身江南草長時回
望情彌殷枳橘豈秦產夷齊本商民一吟思歸辭淚下霑
衣巾

重經上江過小孤山望高良作

晨颺解流潮朝暎坼遐沚中流辨孤嶼相越尙百里流峭
去榜逆帆迫來洲駛忽泊斗巖下遂至洪澤裏三江檐前
期九派殊昔理矚異物不延時遷景爲徙滌水掬流清蹇
花摘葉委羈孤泛無常流浪詎有已甯當越前峯去逐高
良子

奉召赴都經秦嶽遙望有作

朝日泛暘谷孤光動天門鴻濛啟青蒼仰見喬嶽尊鬱若

灝氣接下與浮雲騫羣峯爭嵯峨拱列同星垣我欲凌絕
巘俯視周大竄奮迅鮮羽翼帆岬難攀援從來聖神出升
陟柴以燔五王覲國后三觀窺河源今適遘王會將策明
堂文下詔召博士因之及公孫自笑圭筆士敢爲封禪言
神功發眺聽博議開渾元但當入林邱揮手長松間

夙昔愛天孫層霄踊雙足俯仰志不遂高卧滄海曲結念
周八荒扶輿久脫輻垂老始被徵一憩梁父麓崇巖倚重
雲白日繫匡谷欲吸沆瀣漿顛額慚滿腹我有雞斯乘躡
嶠如駕陸入林招洪崖望海誚徐福折取東峯枝間與夸
父逐厯險理自明升遠象以矚何爲盼修途展轉愧寥廓

送李檢討予養還山

招弓下中山葺屨朝上京公車何崔嵬所藉高世名志氣

本超卓文藻亦縱橫誰言紫閣翁少小無宦情至尊重良
會召見開延英食以朱貝粹沃以碧筍羹給札令呈藝轍
落無弱營因之授冊府入署承明庭夏雲方南馳夜火將
西傾一旦上省養孝感動聖明銜軾謝京邑衣錦投鄉程
祖帳各擘袂反若千里行人生有初服亦欲奠所貞何爲
坐拘牽闕志徒怛怛

圖鑿不受柄樛枝豈爲輻況有終南行白華蔓空谷曾參
著兒冠虞氏就養屋渴借桑門瓜甘懷洞庭橘昔有捧檄
生色喜逮親育今我亦何爲但指風與木蓬池畜嘉魚得
爲親釜熟迎養曷不可遽爾返邦族白衣雖改繡披之當
萊服碧山張學士當此悔解幘天涼賣漿稀官邸日不足
臨朝思貽鞭無馬堪競逐但詠南陔詩雙淚下簌簌

太華有佳氣乃在龍門山千載啟石室一若通武關盤岡
與繡嶺隱者藏其間况復踵靈異於此產馬班當今居史
箴疇職筆與刪翳眾多匠手而予猶汗顏維彼粲門子高
踞蘭臺端慷慨忽棄置躑躅誰躋攀柱下去一宿撰事留
五難有論責韓愈無書報任安新秋坐林薄仰看飛雲還
窗通紫微遠戶傍太乙寒日月過欄隙晨夕躬庭餐視此
三寸擾何如一日閒予有湖上業濫激通周官思以割一
曲未敢徼聖歡橫門出祖道藉藉皆來觀緬彼前史賢相
顧增長歎

打虎兒行

禹州民朱兒救父打虎史使
君廷柱獎勞之予識之禹署

打虎兒乃在汴梁之禹州禹州城外朱家樓小兒十一隨
父耕深林有虎斑毛成颺颺黑風吹草根乘風攫人誰敢

櫻小兒不識虎乃亦聞虎名虎來小兒怖欲嘵掀脣見虎
銜父肢咆哮草際風來吹兒嘵向風不得父把杙打虎截
虎路三尺童子五尺杙打虎落毛傷虎臆虎驚顧兒舍父
逃深林風草皆無色禹州刺史呼小兒裹之以帛飽以糜
子時在署識兒面耳髮穉弱真兒嬉問兒打虎虎何似舉
手張齒作虎勢假虎隱幔恐小兒小兒復怖將嘵歸當時
見虎得無怖此事我亦昧其故禹州刺史省得知是曰小
兒知有父男兒七尺傷父心天寒辭墓行求金安得棄鋏
抱長杙與之同日還深林我所思打虎兒

陳州村人或賦上陽白髮人者毛姓過聞而感焉

河南河北不種麻上陽宮中無好花玉溝流水載花出從
此宮牆不能入宛邱東路桑落村漂流近在村東園黃門

持鶴晚歸寂公主望鄉朝負暄西山盜賊走春電花落重
飛舊巢燕舞鷺翻垂簾宿衣漚麻添作西宮線金輿入蜀
未得歸道傍不用傷蛾眉上陽白髮誰家賦能使傍人雙
淚垂

登白鷺洲值施使君留蕭江有懷

石陽城邊白鷺洲萋萋碧草環洲流層樓百尺俯寒潦有
客獨登樓上愁樓前寂歷馭山暮萬里江流自來去天半
橫吹籟浦帆雲中恍辨虔陽樹我來眺望九日餘芳洲猶
採紅茱萸遙山不斷故鄉雁沿流時羨清江魚故人乘興
久舒嘯千載南樓鮮同調看月甯分佐史牀臨風空著參
軍帽相思渺渺縈素波秋花開映波中螺凭欄欲作登樓
賦不見夫君奈若何

姜堯招登香爐峯絕頂同姜十七廷梧商二徵說

秋山峯嶽海日紅浮暉倒映金芙蓉蒼崖負杖招羽客攜
我直上香爐峯楓林黃葉下幽壑杖底風吹草衣薄石屋
高看洞鳥翻橫梁斜度山花落秋空望海海色飛赤城萬
里煙霏霽越王臺上青烽起夏后祠前白雁稀玉函金簡
探難得況蹈軀嶽未曾息北谷空標承露臺南還竟負凌
風翼蒼崖四顧意氣開吹笙跨鶴真仙才何年乞汝盈箱
藥共俟安期海上來

堯號蒼崖子
時修玄學

同王徵士聽楊太常彈琴篇

毛姓未識楊太常亦未
聽太常彈琴江西王徵
士每稱太常通明音律尤善彈琴崇禎十六年用
軍功轉為太常官使令正樂嘗曰五聲乃亡角民
流至耳所攜有二賜琴一為唐開元年供奉樂器
祕保勿彈時取他琴操數章或出涕徵士有詩十

篇和曰
同也

成連入海不復返人間尚有雍門周呼天搶地抱焦木一
鼓再彈雙淚流晉侯清徵召禘禴楊氏宮亡失行在五音
升降得喪殊何事民流角聲敗蕭郎左衛本戎伍能定明
堂五行舞誰憐故器抱殷遺遽使新聲寫淇浦開元供奉
燒尾琴上皇賜比雙南琛梨園旣散海青死但留篋底空
沈吟當年大合駕象輅尙對皇娥鼓瑤素鼎湖龍去竟不
還自抱烏號哭晨暮毛姓家畜潞國絃諸王頌在崇禎年
欲遺太常共搏拊天涯修阻思茫然從今大雅日淫漫莫
遣風流使中斷他日相逢袁孝尼願得先傳廣陵散

柳花歌寓蕪城作

春風濯濯江南路吹過邗關到瓜步邗關三月春草長市
樓大道怨春陽陽春初開日杲杲大道花飛一何早清明

漸近細雨來繞樹游絲墮縹緲游絲縹緲繞如霧縮入隋
隄柳條住隋隄柳色青瓏璵媿媿流鶯嘯不去流鶯嘯處
停玉鑣依依拂面盡長條揮鞭旣度紅欄曲驅車還上綠
楊橋紅欄綠柳心斷絕隋苑隋隄有離別新聲三疊何處
吟弱線千條倩誰折可憐草青及春暮可憐綠柳低還仆
青樓曳翠縈酒壚白馬連錢繫歸渡低枝毳毳接長坂高
枝蓬蓬白花滿茫茫飛雪繞去遲冉冉輕綿冒來晚翩隨
晚蝶冒朱花緩向春煙拂玉鴉幾時飄飄落西苑幾時流
蕩去南家南家西苑兩相棄流蕩飄飄日顛頓春風吹去
不上天春燕銜將復垂地初翻積雨障輕塵更度妝樓裊
素茵滿眼離披不知處愁殺東西行路人

宣德窰青花脂粉箱爲萊陽姜仲子賦

君不見宣皇宮中脂粉箱青花素瓷出上方陶模范埴好
形像燒胚燿膊非尋常曼身穴腹判兩截一道坎中周四
旁融脂淪粉恐膠結澗漩複壁流溫湯宛若麗華鬪妝罷
宮溝淺膩縈苑牆何年此物坐棄擲竟置姜郎硯塘側隔
盜微聞金粉香開奩尙帶臙脂色摩挲日劇但把弄未審
甄人定何用賈胡欲認不辨名盧女相看宛如夢連昌宮
監老不堪落花時節來江南見此忽爾驚歎息云是先朝
舊承值曾賜昭陽繫臂紅玉函脂粉在其中盤間花貯甘
泉露鏡裏衣穿仁壽銅良人少使望春樹百子池前早祠
去額畫銷珠點暈重指尖碾玉當窩處山來摘掃最煩紆
惟此當窗好勻注紫水開脣恍瀉丹紅綿撲粉如飛絮因
之瓦甌獨見親珠械寶柙皆非倫履箱銀鑰擎奴子鈿合

金釵付貴嬪誰知世事頗難測金狄銅仙雨中拆拾得皇
孫繡襪錢拋來魏后湘紋尺昭華翠瑄摧并榦道傍團扇
遮彌寒庫名宜聖總散失獨留金盃傳人間承恩當日授
佳器前後紛紛尙能紀花箱雖好何代貽知爲宣德年間
事我來吳會當歲除東湖水落西流魚姜郎酒後出示我
令我抱之長歎歎黃鐘土釜本反覆幾見桑田變成谷半
世紅顏委道途上陽白髮誰膏沐箱空脂盡粉未調當前
若箇眞娥媼君家陳寶世無算爲汝一歌宣德窰

詔觀西洋國所進獅子因獲徧閱虎圈諸獸敬製長
句紀事和高陽相公

古皇慎德開四譯內被綏侯外蠻貊貢物區爲王會文共
球載在賓庭册河鏐吠翟獻上方兜離僭侏陳明堂三靈

既應百神洽般般之獸皆翱翔康熙戊午十七載神武聲
名播遙海五時從教白澤來千門真見黃龍采鴉翎習習
負矢飛雞斯乘之歸林支諸方執贄儼相列東漸溟渤流
沙西於中有國名古里曾渡瀾滄作海市魚眼看波射水
紅鮫絲織浪翻雲紫地當申未產獸雄金精傑出毛羣中
銜繚飾組獻天子裁貝作章辭禮恭從容檻致射熊館不
爲珍禽爲懷遠虎落時看接上林鷹房秋到移南苑廷臣
侍從欲賦詩皇恩有詔徐觀之圓目昂鼻有筋力懸星掣
電無雄雌獨憐衫髮未卷曲曳尾繼繼若散絲衣被欲成
鞠色見牙齧不使鉤形施爾時羣檻桺諸獸木壘槍樊列
前圍熊羆避路不用當虎豹攀欄有時吼青鸞赤雀相對
棲豪豬野馬爭游嬉張昭見此不動色朱亥在傍何所思

聞之有熊狩賜谷獲得狡狴比牛畜漢時安息亦獻斯形
似麒麟但無角從茲郊祀播樂章射烏格鹿非尋常饒吹
已陳朱鷺曲徵歌還及白狼王何如儲侍未完緝詔遣求
賢共來集東堂甫布網羅成西域剛逢旅獒入招搖乍啟
禁籞開白麟有對皆奇才請看太保卷阿賦恍見文王靈
囿來

武進憚仲升過話

熟食春前近扁舟江上來烏嘯木客塚兩過越王臺畏路
行何慮空樽語易哀函關天塹杳使汝戀蒿萊

蔡五十一同伯兄過尋性西湖

故國歸難得春山望欲窮呼人谷鳥下尋弟黍苗中零雨
淹湖寺浮雲蔽海東三年襟上血相視暮鐘紅

赴新安至七里灘作

東關苦行邁南涉上新安水木干雲亂沙禽拂浪寒孤吟
隨盪槳多難負垂竿何日風波靜還來住此灘

泊嚴灘有感

晚泊傍斜暉臨江淚滴衣年華新歲改京國故人稀雲散
崗巒彩天垂薜荔圍嚴陵臺下水但見暮潮歸

孝女

孝女秉幽姿靈幃展素絲春蘭時會鼓夜火滿叢祠江畔
青螺水碑陰黃絹詞商船留賽去愁煞上潮時

經張穉舊居

尚有青堂贈甯知白馬來盤餐仍地主涕淚滿泉臺叢草
留人暗繁星照戶開鄰家吹笛苦中夜起悲哀

十載窮泉路千秋處士廬驕兒彭澤訓難弟晉陽書

時南士滯

州棘楚悲黃鳥鄉潭上白魚誰憐徐氏劍猶挂子雲居

不作西州哭依然東道親文章真墜地朋舊尙爲人海鶴

何年返山花幾度春空堂樽酒夜獨坐聽雞晨

清流關謁關將軍祠

夫子汾川秀風流世所師關山縈峻嶺鐙火照神祠集木

鴉飛後垂堂虎卧時同爲亡命客下馬一相思

予宿桐音宅出所賦慰詩四章妙麗愜愴諷之傷懷

因勉酬三詩導情

故國藏車日他鄉賣餅人秋衣憐季布夜酒對孫賓閣下

紅蕉暗燈前白髮新十年悲往事相顧淚盈巾

依徙當時暮還歸未晝游久辭荀里去仍向孔門投霜葉

吟東郭秋星墜北樓誰憐頻把袂猶攬舊烏裘

困日知音少衰年好會難驚心聽漏促久語落杯寒妙句
當筵發嬌兒出幔看夜闌生感激對飯不能餐

謁嵩嶽

太室開天表崇邱奠土中主名高四域受秩比三公日月
環區宅陰陽割渾濛歌崧揚峻極望祀禮昭融華蓋標方
頂金壺啟上宮翁河承漢禪卜洛載周工別觀翔修鶴層
城倚大熊藏書憑玉女過澗遇青童洞閉能圍雪梯長恍
御風羣山咸拱嶽萬歲自呼嵩槐弟封堯爵莒羊採少翁
浮邱閒駕羽子晉妙吹筩石酒龍精白巖花鳳首紅煙霏
春渺渺水滴午濛濛虛壑涵深鑛空梁拔斷虹天關應再
闢帝座儼相通險塞分河內靈祇屈岱東神京懷舊服終

古賴攸同

行次左蠡放船出南康已來舟中寄蔡五十一仲光
姜十七廷梧張五杉并呈施湖西趙司馬駱崇仁
何奉新諸公

流浪還齊地蒼茫向楚隅何時經夏口此去是洪都鄉信
淹江雁生涯寄水覺仲宣思故國阮氏泣窮途早歲棲中
露頻年訕負塗書曾降故將行獨後諸儒才淺人爭忌貴
貧志亦愚山其書有罪梁燕語當誅張儉將歸塞童鴻反
去吳相君真解綬浣女果捐軀走險胡全跋昂霄尾畢逋
有家憐季布易氏識陶朱讎序傾金澗詩成博錦綸宅猶
留鮑照堵欲贅淳于北顧空騏驥南行覓湛盧浮名偕草
木放跡在菰蘆彭澤宵經縣鄱陽曉渡湖清秋涼襲袂白

日醉提壺避地依五老環波洗二孤籃輿邀栗里宮錦謝
當途每念同袍士還思舊酒徒探書登夏穴修禊繞春蕪
不見三秋艾相思兩地琴風舫時轉側霜柳暗周枯虛羨
雲間鶴恆隨橋上烏懷人難命駕無道但乘桴綠水愁徒
涉青天想共呼高峯追白社寒浦泣蒼梧妄踞洪崖室還
尋卓氏廬無端依水馬何處憶蓴鱸去國會捐冕通關不
棄繻歸裝輸陸賈游仕愧秋胡最恨生多劣仍憐世善誣
涼才宜別石暗地豈投珠嫉翠連殘羽摧翹及棄檣狂書
焚蒯子遺論毀潛夫分鮮金箱祕情甘溷廁污張蒼三厯
盡司馬一書無貿貿忘榮落悠悠度曉晡拂龜亡決策借
箸昧前圖愁聽歌商女驚看秀木奴荒城頻鼓角未技厭
吹竽抱璞思俱寂書空手自摸羈棲同燕雀輾轉似蜘蛛

海闊從浮泊天高趁遠徂留情追沅澧投老近番禺市舶
諮梁賈仙山訪藐姑過車需載輔相警賴匡扶猶幸逢知
己先經宦此區刺魚跳幸舍漉酒濫軍廚兔苑嘗裁賦龍
門願棒樞蕪文煩嘖嘖汎愛首區區南野應過眼章流久
浹膚固將憑永久且復倚斯須飄蕩迴蓬荜遭逢任轆轤
時方捐苧葛節又採茱萸率曠知依棧穿林念守株草留
寒蝶栩波逐細魚濡多淚嘯猿狖難行喚鷓鴣孤懷誰告
語長望起躊躇

駕幸溫泉恭賦

羽肅句陳外波開帳殿中咸池長浴日華渚自流虹曉度
榆關遠春從黍谷通慈寧扶葆馭

時

太后

坐湯神策駕豐隆

磐溢銅仙露窗含玉女風青泥分太液紫氣接居庸淨可

捐煩慮温能養聖躬醴源逢處合仙井鑿來空衣藻沿渦
碧巖花入照紅濼階將赴壑聽水似呼嵩鐘乳浮銀梳松
雲鎖玉櫳起居長樂輦扈從華清宮舜德時存坎湯田歲
轉豐甘泉徒有賦未敢擬揚雄

禹廟

夏王四載告成功別禪苗山起闕宮玉帛千秋新裸薦衣
冠萬國舊來同金書瘞井封泥紫芝石懸花映篆紅一自
百川歸海後長留風雨在江東

江徼懷人

江徼懷人江外臺江流千里重徘徊秦人島嶼乘潮上漢
將樓船繞地迴殘壘低連沙樹暝孤城遙傍海門開西陵
一望滔滔水不見長帆天際來

除夕逢立春效景龍體

椒盤栢酒傍江開，彩仗青旂出郭來。
玉曆乍看今夕換，蒼龍先遣隔年回。
林彫朔雪驚抽蕙，地近南天早見梅。
添歲并爲除歲日，他鄉何似故鄉杯。

少年

少年抱劍出關中，羽衛新招六郡雄。
久許報恩逾聶政，平時飲酒笑秦宮。
雞鳴曉日黃河動，雁陣秋陰紫塞空。
當日枌榆還欲盡，愁君馳馬過新豐。

馬蹟懷南土

越王山下賦離羣，英布城前看落雲。
歲暮他鄉還作客，春來何處不思君。
天開婺女搖晴翠，水滿康郎漾夕曛。
陽雁欲歸愁未得，幾回哀響夢中聞。

朔方

天校神兵罷朔方雙韃不復挂漁陽
三秋白草緣關斷萬里黃河入塞長
鐵柱分標滇外戍金書異姓漢中王
從軍久負匡時略愁見開邊到夜郎

寒食渡江

吳關千里燧煙通挂去長帆返照中
三月暮春行海畔兩年寒食渡江東
風吹官柳城邊綠雨後山花隴上紅
惆悵故園年少在鬪雞蹴鞠興誰同

舟過漁林關望沈功宗墓

落日漁林放棹遲故人宿草望離離
深憐子敬琴亡後恐負橋元車過時
江闊市亭環廢井關長賈舶近荒祠
難尋下馬陵前路腸斷膠西君不知

錢塘逢故人

西陵咫尺是天涯，喜汝從予江上槎。
兩度陶朱思返越，百年張儉竟無家。
鄉關恨屈鑽榆節，里巷羞乘廣柳車。
壯士不還仍遠去，江東兄弟慢咨嗟。

奉答倪榮原韻

自辭濠上尋中散，曾在梁園賦子虛。
入世已無操瑟想，聞君尙有帶鋤書。
東田秋到花開後，西浦人逢落雁初。
只道乘風應萬里，相看猶是舊蒿蘆。

覽鏡詞

漸覺鉛華盡，誰憐頰頰新。
與余同下淚，只有鏡中人。

長門怨

玉殿金缸晚色新，殿前少使繡麒麟。
夜來恐索長門錦，要

賜平陽歌舞人

飲馬城邊曲

燕臺北望薊城山飲馬城邊驪馬還前度錦車休出塞將
軍近在草橋關

城邊飲馬莫辭還將採燕山二月花日在陣前誰見敵薊
門關外盡風沙

贈柳生

扶病來看柳敬亭秋花開滿石榴屏江南多少前朝事說
與人間不忍聽

漢苑行

綵燕初翻百子池宮花齊發萬年枝但知上苑寒歸早不
道人間春到遲

秋風歌罷柏梁材上苑春回承露臺朝來殿使探鶯去日
暮宮官試馬來

除夕作

旅館椒花紅欲然椒盤愁向客中傳如何纔聽金雞唱便
喚今宵是客年

弔姜貞毅詩

曾披閭闔扣天關垂死孤臣未賜環遺命一棺何處葬宣
州城外敬亭山

唱盡門生薤上歌道傍虞殞已無多殿廷若箇能攀檻圖
畫依然是荷戈

公像有荷戈圖

晚晴移詩匯卷四十四終